

剡源鄉志卷十八

奉化趙霈濤 醉仙甫纂

藝文中一 內編詩

資福寺銅鐘銘

宋曹說

陽五經一陰緯衆志成偉器寶惟金積乃備水土和火房沸鯨鏗以木五行會端而脯虛而不置在乾五天行健惟一擊聖賢萃二擊鬼獄罷對三擊萬物育天地位示有節於域中廓無明於界外成就不思議無量佛事豈直清韻度山翠

鄞徐時棟案曰資福寺鐘銘記首云翠山寶積移忠資福禪寺以戊寅夏五朔旦修治洪鐘菩薩戒弟子曹說爲之銘阮文達跋之以戊寅爲宋嘉定十一年按曹宋元開人又銘後書沿海制置司兼知慶元府趙孟傳原注兩浙金石志傳誤傳守鄉郡在宋元之交是戊寅實元世祖至元十五年耳曹說者泰字居士也始吾但知其遠於經學今吾反覆銘辭與其題識而後知其爲宋季之義士也有三徵焉金石文字

剡源鄉志

卷十八

藝文中

丹山赤水詞天

剡曲草堂印行

多題紀元此獨曰戊寅夏五猶淵明志也一徵也孟傳在宋季官沿海制置使知慶元至元十三年奉表迎降以沿海宣撫使仍兼知慶元府至元十五年始解官入覲此刻正其受興朝新命之後署銜不稱宣撫而曰制置蓋孟傳赫然尸位茲士聞資福有事爐脯下教令寺僧鑄己名以附不朽而曹君方主其事乃詭出於草野不識朝制者之所爲特題其宋時故官以媿之孟傳雖聞知而鍛鑄已成勿可改也已此亦一字之貶嚴於鈇鉞者也又一徵也至其銘辭則更甚焉詞曰陽五經一陰緯其指斥新朝者已顯又曰一擊聖賢萃二擊鬼獄罷對三擊萬物育天地位又曰示有節於域中廓無明於界外又曰成就不思議無量佛事豈直清韻度山翠蓋猶思揮魯陽落日之戈吹海上死灰之燄而故以其忠憤抑鬱者遁之爲離奇光怪之辭以欺人者也此一徵也夫曰戊寅則是宋雖亡而不知有元也曰罷對曰成就則是元雖興而宋猶可復也曰沿海制置司趙孟傳則是漢官威儀依然無恙豈惟他日之宋猶可復而今日之宋固未嘗亡也其亦可謂福

強之頑民者也吾鄉宋季義士全歸琦闡表略備以未見此刻不及曹君余始讀其詞而哀之為大發其沈埋幽隱之碧血於六百年後居士可以無憾矣文達謂銘辭極詭譎固未知其意者也寺在鄆西南七十里舊號翠巖境明院宋大中祥符間賜名寶積嘉泰朝參政張孝伯請為功德院賜移忠資福額

原注兩山金石志據南波近志

彼此寺名額甚外略以資慶歷祐二志正之題名自長官僧萊匠于外於士女獨題朝散大夫張偉恭

人史氏將仕郎張幼倩安人鄭氏張氏周氏皆參政子孫也亦往宋之遺紳也是時此寺尚為其家有也固先朝之賜物也

原注兩山金石志按知縣宋時稱令而元則

有送魯花亦有縣尹無所謂判縣也送魯花亦以書古色日人為之季莊必尹鄆者此曰判縣蓋題縣令則不敢題縣尹則不可變文書判與題制置司同一詭譎

也安人鄭氏蓋幼倩之室後題安人張氏重十一娘蓋參政女孫嫁居士族者安人周氏淨堅當為張氏姻亞皆以施捨財帛得與名耶居士字習之

昌國人寓居甬上痛父死事終身不娶袁文清延祐四明志附其曾祖粹中傳後又清容集師友淵源錄中亦及其人而並不言其大節余既因鐘銘記而表之後讀剡源集見有寄曹居士詩又有同曹泰字賦杜鵑花詩云一樣春風好毛羽回

剡源鄉志

卷十八

藝文

丹山功水洞天剡山草堂印行

頭曾管蜀山川顯故國故君之感度曹詩亦必有寄託而惜乎不得與此銘共傳也

案攻媿集朝請大夫曹君墓志銘忠定海人子二人長孝忠次孝先晚卜築奉

川一區雅潔考泰字是孝先之次子盍至泰字已歷三世顯係奉化人徐舍人

謂寓居甬上則有之謂為昌國人殆考之未審耳且宋之定海即今之鎮海其

謂昌國亦誤

過清修嶺

張良臣

瞻失巖上人胆○衡案剡川詩鈔作心怖巖下人履道自坦坦何在不問津人生貴得意毋容

矯吾真淵明兀餘年漉酒乃一巾

南渡曉行

七點五點星斗落一聲兩聲鐘磬清路入小橋和夢過野花深處草蟲鳴

西湖

帖帖平湖印晚天踏歌遊賞錦相牽都城半掩人爭路猶有胡琴落後船

芳草

芳草復芳草有人孤倚樓明月復明月何處照離舟相見渺無期此恨誰相知日暮天寒吹鬪玉蠻江荳蔻重重綠

周侯德政謠

○衡案此詩據荆川詩鈔補編補入並附江長閣說於後

曹粹中

侯育我兮明淳民感侯兮慈仁築河礮兮水粼粼開池井兮水泔泔我農耕兮河之濬我農耘兮泉之瀆土田膏兮稻如雲歲功成兮德澤均以食以餐兮子孫誥誥歌侯之勳兮頌侯之勤頌侯之勤兮歌侯之勳

良園詩話保存古籍事屬至難若先生詩說自宋至清世歷三朝完書尚無恙謝山先生至今僅百餘年而其書存亡遽不可知未始非吾人嗜古之力之薄也周侯德政謠一首賴戴杰附入廟記載之邑志不至就涇蛟川先正文存卽以是謠冠首鄉賢遺墨罕而氣珍豈不亮哉先生仲子忠字困明少嘗題寧都

荆源鄉志

卷十八

藝文中

三

丹山赤水洞天
荆曲草堂印行

金精山曰手擎白日浴滄海氣使列嶽如羣兒先生見之戒以力除此等氣象務爲實學則先生之工詩與不肯溺志於詩均可見矣惜乎留遺之者之僅此也

光霽樓伏枕

○衡案此下五詩據荆川詩鈔補編補入並附江長閣說於後

竺汝舟

青燈同月霽玉枕會義皇未了英雄債習知新夜涼玩荷香共遠愛菊意偏長侃侃陶元亮清脩領異方

同劉通判觀菊小酌

籬菊輝輝故弄花看看亭上意偏賒英殘我已同元亮帽落何須笑孟嘉濁酒鄉關娛淑景晴光村落起紅霞齋居省事宜行樂可令閒愁送歲華

答嗣王殿下

忘機枕敲悅神仙澹蕩春光忽幾年美酒曾斟亭下竹翮養常弄水中天

宿江口李侍郎家

不將桃李惹春風盡把閑愁寫酒中山色水光天外景浩歌江上望神龍

登會稽山 案題疑有落字

數聲了卻秋來意切我天涯歸去心啼到月殘人覺後越王臺下不勝琴

良園詩話先生詩存者無多而字句又殘缺已甚未便盡錄然有完句不忍割

棄者如別嗣王殿下云帆孤剡水雲低處腸斷衡陽雁語邊九日同太白禪師

登雪竇云黃菊久宜今日醉素冠曾卻北來風皆可愛附錄於此

挽樊邦道

竺大年

力肩斯道老儒冠不畏荆蕪行路難修已功夫閒裏做顯仁事業靜中看落花春晚

黃街冷明月秋深剡水寒嘆息斯人今已去江河孰與障狂瀾

答謝諸貴公輓章

單欽

二親無處可追尋恨殺泉臺若許深只望片雲弔形影不知雙淚溼衣襟僭稱人子

應名職爭及慈烏哺報心畢生心事半同君故國淒涼那忍聞文武衣冠多異製

剡源鄉志

卷十八

藝文中

四

丹山赤水洞天
剡曲草堂印行

王侯第宅盡離分運移諸葛身殲日心愧汾陽克復勦野草猶天傷碧色肯將老朽

任斯文

題勝因院 心詩本堂集失載從延祐四明志錄出

陳著

轉路便幽深曾來不用尋寺依仙石腳僧識老巖心是處鬼無墓此山松自林滔滔

未涯事分付一蟬吟

和單君範古意六首之二

歲事有豐歉官稅無減除誰知山中田沙土多蒿蕪秋來倘有成猶恐纔半租或其

水旱至不足償糧鉅嘆息豕百畝無復二代初妻兒忽相問明朝飲何如 右農

學圃盍如何先說畦菜法栽種及大陰灌溉須雨歇更欲樹花果古方難泯滅不見

郭橐駝織悉傳之列於以供釜烹於以佐杯勺頗疑魯夫子卻鄙樊遲拙 右圃

九日次韻戴帥初九日無慘以滿城風雨近重陽為韻袖詩示予因得七首

畏景日以長正氣日以短過者何憧憧寂寂笑衰懶浮雲有翳散明月有虛滿人事

有如斯冷緒聊自纂 爾來三五年處處罹過兵誰能晏龍山無復遊彭城今茲九
日至正爾百感生仰天破帽落失笑還自驚 年年好時節雪月花與風誰知百年
內憂樂元不同方其少壯日日醉夢中中年旋衰颯有景誰復窮 吾髮白且老
面目又塵土流落如秋娘無復畫眉嫵徒懷萬里心夜夢良勞苦欲言言向誰鷄鳴
正風雨 履險須頓足逢躁須戒吻況今爲何時正恐無地隱柴門倘可閉即與桃
源近豈無耆舊在努力各自謹 世多多才翁誰識識字農可人忽來思勞苦意稠
重時危幸未死尊酒得相從一醉不須辭毋待漏盡鐘 平生朋友樂魚泳雁飛翔
如今不復昔往往深退藏安得無言心相照松柏霜飲此九日酒味哉剝果陽

次韻弟觀用王介甫桃源行韻寫感爲西湖行

錢塘江頭駐龍馬西湖風光甲天下西湖西邊屋萬間中有沈沈醉花者鶯鶯燕燕
日日春萍蠶豆粥蠟代薪黑殺吹颯忽過江憂貽君父辱在臣烽火連天天已近浪
將督師答天問畏縮不前江神曠坐受排牆侶西晉我行六橋扇障塵仰面發慟風

剡源鄉志

卷十八

藝文中

五

丹山赤水洞天

剡曲草堂印行

岸巾誤國至此膺莫噬安得包胥哭向秦

再次前韻

大地山河屬司馬雲闕峇嶺都洛下夕陽亭上已賣國無與東門長嘯者銅駝荆棒
不成春華林轉眼爲樵薪連牆枯骨若有聲啾啾知是清談臣中原雖遠江東近典
午偏安姑莫問苻堅百萬捲淝波猶有安石能強晉嗟今玉輦竟蒙塵將相受辱甘
幘巾求如西晉已缺望萬世遺笑無人秦

前紀時行

孟春朔日雷聲發雷後兼旬雨不歇仲春之朔近春分一夜風雪四山白豐歉氣候
看春頭乃今變異連兩月陰陽磅礴天地閉自有常程更閉洩今此胡爲顛倒行闔
闔萬物失其節欲一出門泥濘深巡簷問天天默默老農忽從何處來謂見歲時記
中說雞旦之雷雖非時猶曰其占多黍稷今朝有雪卻非宜米價當踊民食缺吉者
未幾凶者繼所喜轉爲憂悒悒向來好事多不應纔說乖證不可活黯然相對尙何

言但願所應在雷不在雪

弟茵家醉中趁筆

前山屏開照簷綠後山如坐膝抱屋數畝山園半畝池松影參差庇梅竹九月九日天氣清銀白金黃百種菊詩人好事酷喜客新酒嘉濃烹野菽中有有識翦髮妻談笑咄嗟具魚肉我醉不知日午哺但覺意氣橫山谷吁嗟乎爲何如時我輩得此一日福宇宙自隘我自寬人生無厭我自足梅山生計在淒涼一醉何曾計餽粥浮丘洪厓總妄傳最好只有三萬六千局

弟茵飲至醉醉歸蹶道中荆棘中

聖俞小飲亦百杯高叉兩手無欹頽曼卿登樓終日飲端坐人謂神仙來二賢佳話三百載磊磊幸有梅山在有人招遙無不如吞吸尊鼻氣如海夜來一醉不爲淫歸路胡爲不自禁蹶壓荆棘臥霜草接躪倒著衣披襟我來相問胡乃爾笑而答之言纒纒禮豈爲我輩設哉君特未知其趣耳今日何日要如何宇宙偪仄蜂一窠進不

荆源鄉志

卷十八

藝文中

六

丹山赤水洞天
荆山草堂印行

得以事業見退老溪曲山之阿當時仰天月如水恍惚采石江頭逢醉李或時展轉見鄰簷如席同舍郎家甕邊地以形骸觀若狂疏外形骸觀方見吾世人總被形役心我獨了了心存初淵明對菊敗籬下豈其嗜酒誰知者少陵非愛牛炙酒花鳥感時詩淚瀉一聽此語心神驚大夢忽覺暗忽明自今有酒但相覓從人看我兄弟醉中醒

後妃時歌

歲在乙酉孟春朔天氣凝滯雲不開一日二日三四日或雪或雨或夜雷山川失色萬物病寒氣折骨淖沒脛如大兵後洪水餘雞犬無聲煙火冷況昔三陽轉新元公私萬事五日寬上得杯酒壽父母下與妻孥賀團圓如今景物不可說官府何曾有時節符移捷出星火飛吏卒叫囂豺虎烈意謂東風換年頭眼前百痼庶有瘳天時人事乃如此何以解我憂世憂元日連陰至七日杜老感時詩紀實太平時節身難遇昌黎此語亦悽惻是時世事未如今二老已有難言心我今更有難言處聊記歲

月那忍吟

吾黨與佛會世人爲大經會不足怪可怪者在吾輩中耳因賦惜子瞻一篇
我惜蘇子瞻氣豪大地隘雄文萬斛泉盛名表昭代自負學見道欲漲歐陽派胡爲
所以學先與本論背或者交浮屠聊爾奚足怪何至敢昌言前身五祖成眉山世積
善老泉亦英邁脈絡有自來胚胎乃融會顧誣正大傳謂感非類穢胡鬼是吾親父
與母安在本來中無主恍惚求諸外一妄流到今狂瀾正澎湃人人說輪迴處處習
夷嘖有識或見譏動以蘇爲解愚者不必責可責在吾輩當時若遇吾夫子鳴鼓攻
之此其最

綠萼梅歌趙敏求家有此梅九月著花敏求有詩景文轉以示因賦一章寫意
君不見宣和艮岳綠萼梅百花魁中此爲魁絳霄燈火不終夕剪爲荆薪燬爲灰又
不見駐蹕錢塘開紫景此梅又花天寵幸江神不才馬飛渡踏碎禁地花無影兩地
百五十年餘花與國都相有無誰知造物不盡意尙留人間一種癯山中佳人清似

剡源鄉志

卷十八

藝文中

七

丹山赤水洞天

剡曲草堂印行

水放開吟鬢嚼花髓我未見花得見詩見詩便與花相似且聞九月花已芳奇觀到
眼詩爲忙臘前年後是正候忽爲秋花豈其常大庾嶺頭炎瘴地年年蚤開不爲異
四明相去數千里不應蚤花亦如此吁嗟地氣如車輪自南而北知幾春如今所見
到草木不獨飛鳥啼天津梅乎梅乎本清絕花如白玉枝如鐵矯矯胡爲心亦隨不
念從前傲風雪唐苑九月誇梨花鶴林九月豔杜鵑我欲梅根一酌酒謹勿與彼爭
取非時妍

早起誦邵堯夫先生詩

二十年前塵路忙如今都住寂寥鄉梅花時節溪山好菜粥人家門戶香否往泰來
天外事蚤眠晏起枕中方案頭只有堯夫集參得透時滋味長

收芋偶成

數窠岷紫破窮搜珍重留爲老齒羞粒飯如拳饒地力糝羹得手擅風流家貧日盍
勤多種歲晚何當飽一收回首人閒劍炊米誰知煨燼有爐頭

生日悶中示諸兒

吾今七十有七歲多事多憂多病餘舉室忍貧饒莫字長兒留遠夢收書券通槓滯泥中獸戶計偷生釜裏魚回首當年有今日苟延如此安何如

七月望郡庠賦秋聲詩且欲不犯題字及見所作良有發笑因賦二首示諸兒
天教少昊管金行發越清商妙莫名萬宇虛涼機目動千林搖落氣難平怒爲伍子潮江吼細入歐公夜壁鳴最是幽窗多感處數聲唳月雁南征 氣應商聲慘又清
人閒難聽亦難名非神非鬼洞庭樂爲鶴爲風淝水兵老葉自吟高處調寒螿相趁
鬧中鳴西風機籟年年事分付與天心自平

暇日偶成

天賜衰年一屋清住深不接過門聲帶泥筍月燒易熟得雨芥心批又生山與雲宜時弄色鳥乘春旺自呼名誰能計較方來事粥料何妨逐日營

用帥初韻謝其壽我之意

剡源鄉志

卷十八

藝文中

八

丹山赤水洞天
剡曲草堂印行

錦雲忽把老瞳遮壽語何爲及我家怕說庚寅賦湘芷漫書甲子譜桃花長途交鷺鼠爲虎孤迹偷生蛇放豔人世到今何足問桑榆況已日西斜

閒居有感

參差梅竹種花籬強對谿山傲百罹終日書聲清屋氣四時蔬食壽家規若兒知學何妨懶老婦安貧未覺衰無處可修牀下拜門前心事碧天涯

次韻單君範行李中諸詩

心如古井不生瀾無奈形骸寄兩間老境陽春亦風雪危時明月自江山琴書有舊聊相與門戶雖貧未是閒兒女不知何世界歡傳花事已爛斑 宇宙中閒戰血腥不才難應少微星窮頑得壽非三甲老拙無文況六丁醉後時歌東里曲閒中堪伴北山靈門前總是塵埃事惟有梅花照眼醒 紛紛萬變自洪荒人事都歸夢一場龔勝餘生祇廉里淵明初意豈柴桑山林有味兒親圍風雨無眠客對牀衰老近來諸事廢漁樵唱和是文章 殘生光景滿腔愁平地江河洶湧流可痛事多周正月

不言心有晉春秋俗饗無夢亦尋鹿人飽自歌誰放牛咄咄向天天莫問方來畢竟
幾時休 欲言心事鼻先酸最怕清流亦倒瀾塵路爭車甘下澤雪毛滿鏡自南冠
高懸古月看時變相與春風到歲寒案有陶詩須細和魚歸鮒不須彈

喜見單君範

世衰交道薄相好獨金蘭見面驚雙瘦知心話百難老饗葱本暖清坐杏花寒明日
休輕別流年水赴灘

送別單君範

寒山曾約醉梅香桃李花時願始償四海舊交知有幾三年一見去何忙春光自好
別情惡老語無多贈意長送別溪頭重回首東風吹不住垂楊

次韻單君範

駒隙光陰自去留眉頭底用著閒愁人生枕上皆槐國世事碁中幾弈秋爲子孫謀
惟蠹簡有風月處即菟裘醉多醒語不覺曉何處鐘聲出梵樓

剡源鄉志

卷十八

藝文中二

九

丹山赤水洞天
剡曲草堂印行

次韻弟觀似單君範

聚忽如萍散忽雲今朝得見滿腔春詩書有味兵前友官府無名天上人相對兩窮
消白日不交一語到紅塵梅花紙帳寒初試儘可流連似病身

次韻弟觀喜雨

世事紛紛付渺茫且迎雨信看農忙鳩聲隔樹宿雲溼牛影落田新水涼處處叢祠
羣卜稼家家蓐食早炊糧及時種得苗青活便覺秋風飯粒香

次韻弟觀田蠶卽事

詩禮雖傳世農桑不離門梅天縑雪屋秧雨種雲邨衣帛知先老含飴擬弄孫願言
同井樂無怨亦無恩

西坑

丙子丁丑避難南山之西坑今春投北山
兩雪竇間其地名適與前同因紀以八句

西坑曾避難今又一西坑早有四年夢兩番多是驚天平存老息地亦定前名何動
不關命怡然心氣平

解剡回家過陳公嶺

漫仕當閒遊歸程更自留嶺高雲送脚路險石垂頭家近聽鄉語山分認水流溪橋
聊少憩雙鷺去悠悠

山居避難

三十六風輪消磨萬古人軍興山勝市歲歉富齊貧破絮身饒垢乾糧舌費津吾生
不足問世事入長鬚

還家得警報復回避所

北馬又經山傳聞頃刻間山將身坐斷家有夢飛還吞哭自憐甫忍飢誰念顏真成
傷箭鳥翼翼怕虛彎

余牀帳為過兵去

一牀破帳護衰翁席捲俄隨掠騎東與婦同圍膚炭火呼兒排作肉屏風從來不起
羊羔想困倒何妨蝶夢通亂世流離多露宿蓋頭有屋未為空

剡源鄉志

卷十八

藝文中二

十

丹山赤水洞天
剡曲草堂印行

聞西兵復至又為逃隱計

千郵奔走浪塵沙又報西兵沸鼓笳厄會有誰知死所危途無處問生涯孤燈閉戶
一山雨遠夢當書三處家最怕入深飢莫忍難逢流水出胡麻

代弟蒞詠梅畫

斜斜瘦影兩三枝只許寒窗人自知猶恨嫦娥收不盡卻歸羌管曲中吹宜月
處子從來不世妝老蒼相對本相忘猶嫌曾受秦封污冷笑無言只自香依松
香在溪頭古晉林瀟瀟風雨慣曾禁休尋白玉堂前夢自有此君知此心依竹
天花包盡世間羞也到孤山老樹頭寄語東風為吹拂本來面目自風流雪裏
獨占初春早卸芳肯隨桃李眩濃妝如今不到壽陽額自做孤郵流水香飛雪
碧實圓成重壓枝萬紅千紫竟何知是雖不入甜人口留得青酸有用時結實

天台徐德源許以穀應借

枯淡生涯寄艸萊短供不給甌塵埃吾徒例有絕糧事世俗何從索米來邂逅指困

如魯肅分明流飯自天台不將乞字書爲帖拙語聊干一笑開

弟觀喜董稼山至有詩因次韻

誤辱高軒訪子雲須知我自是元真石心已落千尋海霜鬢難留一髮春門外道途新舊眼兵前朋友死生身如今聚首休輕別他日黃金枉鑄人

留稼山

山巖如拳未有筋溪魚子腹不生鱗明朝二味三杯酒此意良真莫語人

重陽坐邑中旅舍

禿鬢蕭蕭八十翁爲誰留滯客簷中有詩不賦滿城雨無酒可當吹帽風與菊相逢還自笑看黃欲健莫知窮回頭戲馬臺何處萬里秋聲有過鴻

十月九日醉中

八十二年真過分兩三間屋漫偷安家人病退藥方熟兒子歸來酒量寬祇把詩書供日用不知宇宙有風寒開門但放溪山入心本無他誰得干

剡源鄉志

卷十八

藝文中二

十一

丹山赤水洞天
剡曲草堂印行

深自婦氏歸侍

我生貧非窮有子環我膝深汝實居長何可去頃刻顧從百里外贅滯日復日事有不得已我心常壹鬱昨朝烏鵲喜夜得歸端的淪洵急迎路呼鐙走奴卒歸兒如猶子先跳門限出女潤臥東牀方困寒痰塞忽聞兒到家夙恙一笑失骨肉恩愛重此歸真藥石春風花氣香今夕是何夕酌汝一杯酒聽我言歷歷我老不任事幹盡汝宜力汝母且多病佐饋婦之職三弟要讀書惟汝身勵率妹笄何以嫁汝亦當纖悉如此復如此汝坐能安席汝今雖有婦未歸未爲華而况危亂世離別重悽惻一家得團圓茶苦甘于蜜歸來早歸來我年七十一

季秋既望吾族子姪以老人會於我家名曰燕老集此意亦可尙醉後寫其意颯颯西風來吹不開眉端團團空中月照不見肺肝菊花仍舊香過雁秋年年我懷人得知流光逝如川况此苟活身包羞天地閒不如先露晞安用空流連兒輩何爲者芋栗藜藿盤將以壽我酒歲晚松在山我謂非我意掉頭三長嘆遠膝不冝離且

笑且進言陶潛杜少陵逢時更多艱何嘗便忘驅得酒卽開顏父子恩愛重一刻難
輕拚世路雖偪仄天道又好還但是強健在心事終已寬是亦菽水具非如五鼎難
庶幾詩禮風聊以娛親安再拜固以請願領家庭歡勤勤苦費辭細聽理亦然強飲
竟成醉援筆如狂顛梗概盡以見不覺盈長箋呼兒爲我歌勿與醒者傳

贈弟觀之王傳心館數語送行

今日爲何日風雨春寒癡吾心方惻惻門外剝啄誰爲我欲見兄迎面三吁嘻出語
復梗塞書擔行有期豈不懷室家將以療我飢平生手足誼奈何忽違離執手因語
言吾道其果非達則仕行志窮則爲人師去家二舍近非是天一涯行矣汝其勉第
問歸何時久而俛首答身如馬受羈去住不在我此況誰得知吾年七十四疾病常
乘衰汝年亦五十半髮成雪絲年事俱至此時光去如飛紫荊次第花鳴雁口相歸
觸目成感慨贈別難爲辭但聞主人賢安心免相思明朝溪亭酒爲我酌一卮

梅山弟家醉中

剡源鄉志

卷十八

藝文中二

十一

丹山赤水洞天
剡曲草堂印行

意行無定處適口無夙嗜門外自風埃山中有餘地事事皆順境物物皆真味梅山
今何人而我亦同數麋鹿所驚怪草木或不置一杯復一杯閨中笑聲沸古道固如
此乃有此同氣謂我且須留崦嵫紅未墜

四月十一日與婦小酌玉蓮花前有感

西湖西山坡水樂洞之側有池當軒綠有花當夏白風澗脈柔莖午芳擅正色方來
玉八瓣圓中珠一的真攜真率杯相看契清園主人自城居付與乘間客回頭一十
年今日爲何日窗前小盆池又見此花發花於我何心我見花自惻老妻頗解事一
笑復太息胡爲不自知君已八十一洛陽白牡丹楊家紅芍藥魂夢且不到何獨口
懷昔口口垂頭蒼風雨天昏黑

送曾孫灼出贅盧氏

男生必有室有室在嗣親家貧或出贅出贅難爲人汝今爲此行及此初花春鄰鄰
潮迎舟葉葉風吹巾鳳雲已在眼不覺生精神我方爲汝憂老語因重陳其修汝容

止其謹汝吻唇門庭勿忘舊市井勿隨新沈醉不如醒飫飽不如貧僥倖多非福歡
笑容易嬰主敬爲根本力學解因循賢□□□翁昔我相面頻別來五十年忽忽隔
一塵誰知有今日汝得□□□□□翁壻治義實師生均造次莫非教歲月如去輪
□□□□□何此爲終身留欲副清冰歸欲見老椿要須日凜□□□□□津

外孫黃相兒求詩

可人黃外孫來吾與汝言是爲慈溪嫡未離嵩綠門以身答世譜學問爲根本吾言
雖老拙銘心其永存

如心姪有詩因用韻

名

越鳥不巢北流水東不西人心胡不常隨世爲昂低造物善戲人如兒笑復嗔行止
當自適何爲爾栖栖

寄賦黃東發湖山精舍

斷鼉奠極戲者誰岷山如龍萬里馳大江之陽起衡岳翠巒散作千委蛇直趨四明

剡源鄉志

卷十八

藝文中二

十二

丹山赤水洞天
剡曲草堂印行

卓秀偉二百八十峯參差潮江合捧山駐腳伏脈分行東西支東或峨眉或鳳翼口
口萬頃琉璃陂二靈龜浮挾霞嶼大涵回顧藏嶮巖我昔經行一俯仰問百年前口
何其邇來世變那可道前輩風流歸春漸山川無言黯失色徒使旁觀重歎歎西來
諸峯江之外獨抱古青何巍巍遠踏渤澥瀾漫漫近枕慈水清漣瀾平生聽人歷鋪
說展齒欲到足猶糜况彼地靈所融結是爲之越老屈奇且聞勝處巧著屋包括光
景無餘遺幾年期我數語贅終恐摸索非真知忽焉自省筆舞但說此翁他何疑怪
石稜稜聳瘦骨秀色隱隱開疏眉寬曠能容萬壑赴峭特雄壓千秋卑雲雨蓄洩大
功用波濤變化皆文辭上而層陰入鳳凰下而瑞脈生蘭芝浮口藹藹自來去本相
不受時吐脂曉猿不驚鶴不怨幽花野草芳非非以所見見有如此又何以觀山水
爲君不見蘇子由詣京師自謂終南嵩華雖已見不若得見韓公琦又不見歐陽公
贈別時說道廬山高哉幾千仞卽此便是劉凝之我翁觀此亦何愧愧我燕拙欠發
揮若曰湖山精舍自品題自有黃曹二賢之長詩

闕戴帥初食長菜

漂泊無家杜少陵兵間奔走如蓬萍碧澗香芹固可嗜鱸鯉豈厭銀絲精百譎九死
蘇玉局到處爲鄉心自足有時珍嘗百糝羹何嘗不食黃鷄粥二子流落甚數奇攻
苦食淡分所宜顧無所擇隨所有亦曰吾師吾仲尼菜瓜魚肉皆可食鄉黨一篇炳
星日君胡不學聖與賢乃外吾道從道釋豈薄朱門粉署郎窮搜滋味豐時壯豈惡
羶帽侏僂輩搏攫羊豕飽腥肪不則牀頭怕金盡不則繼肉乖夙準遂將所受母身
束縛結腸強堅忍况聞君家百指餘正自不同藜藿廚獨立標榜人所駭此意未知
果何如君子之道在中耳纔落一偏犯公議有則庶羞不爲過無則口口亦常事朋
友切磋欲無瑕早從吾言勿姑羞庶幾上不見標於仲尼之門下可口口於杜蘇二
子之家

醉中示姪溥

山茶風香酒微波杏花日長人笑歌兒孫歡擁白髮婆煑菜解醉不厭多人生樂事

剡源鄉志

卷十八

藝文中二

十四

丹山赤水洞天
細曲草堂印行

恐蹉跎世事等是一夢柯孝義兩字不可磨當與兄弟相切磋我家兄弟三世過謹
勿令人說如何

癸未冬至後與妻對酌偶醉遂賦

買臣賣薪妻見棄高鳳嗜學遭妻詈我窮到骨累百指藜藿併日一髮氣妻自執爨
謀餘生諸兒忍寒結飢腸有時我癡笑問妻妻亦笑答貧其常聽之不覺一絕倒不
謂此道君亦曉滿天地間皆浮塵消磨不盡惟此道低頭拱手說與妻孟光舉案與
眉齊當時豈綠醉飽故深遠滋味出鹽齏而況今日爲何日我年今年已七十我妻
之年雖少我老心古道天與質偶然得醉平生歡醉中寫與諸兒看人閒不必問貧
富須信關雎爲造端

夜夢在舊京忽聞賣花聲有感至於慟哭覺而泪滿枕上因趁筆記之

賣花聲賣花聲識得萬紫千紅名與花結習夙有分宛轉說出花平生低發緩引晨
氣輒此斷彼續春風縈九街芳女芳睡醒爭先買新開門迎泥沙視錢不問價惟欲

蕩意搖雙睛薄鬢高髻團團插玉盆巧浸金盆盛人心世態本浮靡庶幾治象猶承
平賣花聲賣花聲如今風景那可評向時樓臺買花戶凄烟落日迷荆榛但見馬嘶
逐水草狐狸白鴛嗥荒城萬花厄運至此極縱有賣聲誰耳傾我生不辰苦懷舊如
病入痼酒宿醒况被春風暗撩撥傍無知我難號鳴忽焉夜枕發爲夢恍恍惚惚行
故京一唱再唱破垣隔聞聲不見花分明謂此何日尙有此傾面大慟泪縱橫久而
方覺更哽塞擁被危坐百感并我年今已七十一豈是年少閑關情天空地闊說不
盡山外杜鵑鷓鴣殘更

六月五日大風雨水弟觀有詩道其事因和之

自古人閒多水旱人事盡時功過半區區事空不事實三代以後人心亂吾鄉薄產
寄山溪崎嶇隨勢無尺齊受水通灌盍預備隄防以石堰築泥顧不此信信偶木鳩
舌喙誦淫比屋豈知性本依人行方信之中神所宿大雲遮日雷無聲兼旬望霓憂
羣生更兼五日天不雨原無黍稷田無杭田里倚龍爲人命百拜哀鳴聒龍聽忽焉

剡源鄉志

卷十八

藝文十二

十五

丹山亦水洞天

剡源草堂印行

夜雨一霑濡咸謂臥龍今睡醒胡爲詰朝天晦冥颶母橫挾揚威靈撼山崩谷發廬
舍掀播兩間摧萬形初謂得兩龍之賜誰料此風隨後至或者風雨自有數龍亦無
知天做事不如反己自求天難獨靠龍圖萬全况持紙錢徼妄想正似銜石將海填
里無千戶十分甲詔鬼誅哀知幾市流俗酣溺死不怪我有苦言誰聽納

丙戌二月廿五日梅山弟爲孫試週遂賦

梅山種梅封且培梅山種善如種梅有善必報既有子有子且復生孫來蕭艾中間
芝挺出今朝纔爲兩三日咿嘔似欲指之無燁燁眼光如點漆中庭展席分排鋪童
冠環立規所趨從容顧視前舉手干戈俎豆詩與書吾家昆弟存者幾六十見孫有
吾弟未聞他日成人事庶幾正脉存祖禰杯盤團圞家庭春豈是閑心競芳辰危時
閉門獨生意一醉有感天猶仁吾弟所喜吾亦喜亦欲含飴娛晚歲自知無德開後
人有不盡澤吾先世不觀呂范兩名家賢子若是何其多皆從世積心上出安知他
日吾非他

庚寅仲冬七日醉書梅山弟家

我來不爲一醉期，忽焉一醉留者誰。山川無言豈有意，陰與造物昌吾詩。吾詩不受世促迫，亦不冒與人諧嬉。鳶飛戾天，魚躍淵動，筆自有風月隨。我欲寫時君莫問，君欲問時我不知。此時此意有此樂，梅山口梅花開時爲我痛飲而讀之。

醉書

庚寅仲冬之八日，與諸兄弟諸子，姪濁酒數杯，菜一盆，醉後相忘，見真實誰云。人間天地窄，但覺物外山林逸。人生安能皆百年，洪厓浮邱亦浪傳。妻孥安穩鷄犬樂，此外無復有神仙。甚哉世人不知足，苦積銖銖多買田。子孫賢否誰能料，近足此身難自保。舉頭問天天不應，聊向虛空一舒嘯。得一聚首便爲福，得一响閒真是寶。但願如安樂窩中長，打乖微醺著面春。拍懷不願如荷鍤，自隨死便埋以酒爲命忘形骸。

送春醉吟

三月二十有一日，絮雲弄日，風力薄。家人報我明日夏草草，杯盤頓春腳。世人心眼

剡源鄉志

卷十八

藝文中二

十六

丹山赤水洞天

剡曲草堂印行

最無常景物流禪，爭頃刻南風一轉垂。青陰回首芳塵是，陳迹天公好事亦世情。約束花神呈未著，放開醲醑紫心香。安排芍藥無留發，流鶯調笙舌尙存。倦蝶依然舞還拍，杜鵑無知只催歸。何物惡聲誰聽著，不妨長筵達詰且餞舊迎新。兩無作傍觀笑我八十翁翁亦自知，身是客安問家無擔石儲。時節猶自沈沈酌，我聞此語三歎息。酒邊寄耳非莫逆，杜老憂懷醒時多。誰道醉狂放吟如李白。

戴時可家賞木芙蓉花醉賦

西湖不是芳菲節，木落山空景凄切。賴有桂菊聊記時，殿後拒霜花始發。我攜樽酒來問花花於此時，擅奇絕先白後紅。知物變有色無香，自韻別寓軒主人古風流。不官移種防慢夔，兩根兩花相嫵媚。自况鴻光自娛悅，幸而桃李不同時。彼紛紛者當愧殺，頗云此花最宜霜。待有霜時酒還設，良辰美景休拈掇。白髮朱顏易交割，我今耄矣不足云。勸君年年自此醉，倒梅花雪。

與前人對酌醉中

天寬地闊無拘嫌日往月來無留淹有興一日是一日賞心樂事古難兼我貧到底君不問居自與我相嬉恬安知朝夕不自給有酒須與我共酣窗前有菊相色向採撥爲我若中甜老妻在傍發一噓謂雖謔浪意自嚴想見古來聖賢酒無量千瓢百榼非傷廉回頭笑謂安得此但與劉伶阮嗣宗後佳話添

送洵之越

有美一人來自東與兒洵約西游同謂聞古越多勝跡庶可洗眼開心胸窈石亭空思禹迹飛翼樓高憶蠡功過司馬寓第如見涑水叟入稽山書院如見晦菴翁東山則想謝太傅之雅量上虞則感李參伯之孤忠讀范老堂記則懷憩堂於出守問祈國里曲則想持帽於方童偉哉聖賢所森布關乎名教無終窮彼柯亭之烟竹蘭亭之腹水剡溪之雪舟邪溪之樵風雖非本色口慕羨然亦餘興相迎逢盍陪登笠風雨外固異萍梗江湖中八十一歲汝我懼二百里近我汝容目而送之豈漫往歸以復我將誰從滔滔世變猶古道修竹可竹兩人龍

剡源鄉志

卷十八

藝文十二

十七

丹山赤水新天

剡曲草堂印行

送戴時可之董氏館

雪溪公子清於冰與人心事秋月明黃塵滿目分不入卻向嵩山尋幽盟山之趾水之裔花柳之時風夜月避喧何必武陵源得閒便是羲皇世俗情詡詡有僞真道義之交無故新我今年已八十一君今亦是半百人日日聚首能幾日况我殘陽出入息聞君束書將有行萬里弱水在咫尺相望怨被浮雲妨有夢難託清風將豈是臨分語太苦此味昔我質備嘗一杯一杯莫辭勸此酒中間膠漆醞記得希夷一語不優好之所勿久戀

送兒沆再之婺

父母生汝期望汝地闊天寬從著步霜葉飛紅橙橘黃一笠西風正宜路送汝出門不冒行低頭進前出苦語雙親雖安身已高菽水爲歡盍朝暮夏初奉命見兩山往還恨不身生羽如今又爲千里行直是戀慕難輕去有不忍聽手撫背至哉天理人倫處我豈欲汝寸步離事有乘機恐差誤晚年正欲汝有成此行倘與心相副皺皮

瘦骨便精神當爲汝喜非汝懼不妨安穩趁前程但及梅花時歸學萊舞

送沈赴台州學錄

山連霞水半沙十步九步神仙家草初芽樹欲花香風二百里春華人謂此行良可樂我送出門還作惡初心謂何姑勿道爲貧去抱夫子腳天台如今人物林芹芳藻潔紛佩衿物議無情憂責重盡人須要先盡心好爲人師古所戒况汝大欠鏡窗債理義無窮白日速相長工夫方有在視身如玉宜好修守口如瓶勿起羞平平之外無赫赫介介之中有休休勞其筋骨餓膚體乃汝法家并拂士恩愛極處言語切豈得已哉汝行矣我年雖邁尙自強藜藿能延壽命長相望只有片雲隔不比遠去無遊方時節飛書當萊舞兩字平安勝三釜三年電光一抹過但要學成身立來歸見父母

送兒沈再之台學併似許梧山張在軒

學古入官非易事同寅協公第一義昨汝行矣重吾憂今吾聞之爲汝喜有如此廣

剡源鄉志

卷十八

藝文中二

十八

丹山赤水洞天

剡曲草堂印行

文先生真所謂法家拂士寄聲忽到我用情應爲汝我欲謝之難爲語汝其聽之告以意古天台多士類文有風樞陣馬之奇氣有霜林老鶻之鸞鎮之以靜重行之以平易艱難見初心苦淡得真味人謂著腳危於淵我知進德此其地汝不見范文正公家書片幅戒子姪有事只與同官議又不見歐陽朋黨一論質鬼神同道相益乃君子

送兒深赴婺之月泉山長

來汝深吾語汝汝今此行五百里吾豈不欲汝在傍朝夕告教從容裏世莫難於續書脈孝莫大於善吾志男兒須爲大丈夫遠遊有方學者事汝行乎吾決矣名山大川如不識坎井中見能有幾嚴師良友如不親家庭閒語未必是若曰高車過萬里橋非所羨於司馬氏若曰榮鄉佩六相印亦何取於蘇季子區區物外先入心役役終身非切已星婺城月泉水古到今最多士要知三人必有師毋謂一日長乎爾賊人之子乃自賊毀人之善是自毀同察當出肺肝話諸生當如手足視回顧弱植荷

倚重雋永古訓滋味旨遇食不求飽飲酒不至醉閒事付浮雲本色爲實地詩書何幸薄有祿齋鹽猶勝空糞字仕未可養汝奈何耄猶加餐我自慰要得友朋之譽可聽聞卽是父母之前相諾唯三年日月一箭過不必吾懼但爲吾所喜

送兒沆赴昌國學錄

來汝沆吾語汝蓬萊鄉仙者寓汝行豈爲求仙故寶陀山佛者住汝今豈爲禮佛去吾聞滄州好學舍兵後弦歌尙存魯巨鼇拄牢蒼壁島長鯨截斷紅塵路黃公高節懷猶在茹侯英標儼如覩茁翁器業國有傳逸少詞章家有譜扶桑日出長精神滄溟際天豁襟宇潮水生落見乘除風濤澎湃嘗歛阻耳目所接皆爲學身心所會當約取且氣清明方見性人生涉歷終知趣規模要放面前闊議論要到心平處雪霜之際有陽春波浪之中有砥柱畏友當如父師敬平交當以兄弟處我雖自餒耄何及汝方年壯力須努亦欲長教在我傍深恐獨學爲汝誤不然何以資一出幸猶近只寸半渡駕言曰仕實從游自昔成人出辛苦着汝意氣勉自強味哉言語謹勿負

剡源鄉志

卷十八

藝文中二

十九

丹山赤水洞天

剡曲草堂印行

東雲在望道路開西風吹送衣裳舞消受官牘飯幾盂勝舉家庭祿三釜歲月箭過歸有期卻把本色初心娛父母

維揚曉發

樊紱

殘月猶懸夜開帆風若何鳴鷄催曉色舟子起吳歌一曲清江上三春別興多野鷗無意緒閒臥對滄波

春殘

單庚金

出門隨意踏蒼苔過眼時光一笑陪廿四番風清瀟地兩三點雨試輕雷纈空舞絮隨春去鈿水嬌荷闔夏開對景傷心兒女事愁腸無奈祇啣杯

題夫人石

造化斲出蒼雲骨娉婷如人更奇突千秋獨立日嶺頭黛眉空翠含嬌羞訪諸故老不可識或是當年望夫石當年望夫夫未歸山頭化石空相憶

武夷山

衡案此下三詩據剡川詩鈔補編補入

陳觀

郵亭立溪端上有石鼓字回顧溪水中石鼓安所置移舟泝清流前山鬱蒼翠一曲
遽停橈尋真步幽邃洞天閭闔開殿閣儼神位秦漢紀茲山武夷君所治幔亭晏會
孫遐蹤久已祕巍巍大王峯玉女傍立侍獅子西東來昂藏不敢肆我本羽衣人憩
跡昇真地珍重學仙翁命舟行厨備溪山偕侶游討論每延遲二曲頓清奇彼美宛
臨水三曲多仙巖峭峙罕匹類倚空架舟函不腐亦不墜小泊三杯石坐玩逸清思
石上飲三杯昔賢同一致四曲入雲中繁花方嫵媚春光耀亭臺靈草漸萌瑞崖陰
刻字新往往書故事五曲達平林藹然千古意精舍瞻遺容豐碑誦遺記杏壇相因
依高堂揭仁智卻令閩越中居然作洙泗雄哉大隱屏仙掌列其次六曲轉盼間仰
高發長嘯七曲著漁家碧津富投餌八曲寂爾過樓巖無鼓吹窮幽造靈峯元都矧
可暨臨池數本桃道士昔手植感慨卻回舟烹鮮侑揚禪九曲烟霞深彤庭敞宏庇
卽此非桃源復何工擬議仙客偶談玄主人已心醉歡言一宿留醺酣飽熟睡晨興
復招邀具我鷄黍餉臨行意有餘醇醪饋盈器順流睇層巖天游冀願遂捫蘿履崎

剡源鄉志

卷十八

藝文中二

一十

丹山赤水洞天
剡曲草堂印行

嶽登陟良不易絕頂隱君居崇臺境殊異憑虛俯危欄重巒俱下視參差森欲動恍
惚眩眸昔靈飄空中來竹松舞仙輅杖藜還高岡夷猶不忍棄何當濯塵纓永茲瓢
笠寄歸休賦長篇聊爲斯游識

題甄氏訪山亭二首

水流花落石生雲日靜風喧草欲薰老去風流猶未減一邱一壑尙慙慙
雨後西山翡翠堆結亭直欲近巖隈從今記取溪頭路一日須來一百回

天壺道院

山徑崎嶇紫翠連白雲深處是壺天客來無物供吟笑旋摘新茶煮石泉

挽樊邦道

竺大年

力肩斯道老儒冠不畏荆蕪行路難修己功夫閒裏做顯仁事業靜中看落花春晚
黃街冷明月秋深剡水寒嘆息斯人今已去江河孰與障狂瀾

答謝諸貴公輓章

單欽

二親無處可追尋，恨殺泉臺若許深。只望片雲弔形影，不知雙淚溼衣襟。僭稱人子應名職，爭及慈烏哺報心。惶恐諸君多記事，併成一卷勝千金。

歸田作寄戴帥初

樊伯搆

獻璞當年出懷瑜，今日歸尚存松菊圃。未老薜蘿衣嶺上，雲初白山中。歲正肥幽尋，祇得性那復問禪機。

薄暮過放鶴亭

落日澄波淨，閒登處士亭。山腰餘古木，鶴逕隱疏翎。絮酒人誰薦，梅花句自馨。少微光既隕，棲逸久無星。

對雨

對雨宜深酌，寒山晝不開。烟浮秋色遠，風度雁聲哀。白墮杯常○銜案刻川滿黃花句可裁。十年驚戰伐，何處首重回。

謁林和靖先生墓

剡源鄉志

卷十八

藝文中二

二十一

丹山赤水洞天

剡曲草堂印行

棹轉孤山日暮雲，西冷幽處一鐘聞。亭碑常帶梅痕古，華表空巢野鶴羣。自昔功名同敝屣，至今明月照高墳。清標不愧巢由侶，千尺龍文長護君。

答前太博陳本堂

畢生心事半同君，故國淒涼那忍聞。文武衣冠多異製，王侯第宅盡離分。運移諸葛身殲日，心愧汾陽克復勳。野草彌天傷碧色，肯將老朽任斯文。

簡樊謙齋

陳 莖

一疏闢人千孤忠，殊可賢丈夫。不至此君子，有加焉事濟民生。福言違臣職，愆還須。膽諫草痛哭九重前。

錦鏡池

汪 灝

誰遣青銅一片懸，萬山如洗息淪漣。過雲不礙東西岫，明月能涵下上天。影合野棠魚自避，光分水荇鷺相鮮。臨流我亦忘歸興，晴翠撲人生紫烟。

自居剡源少遇樂歲辛巳之秋山田可擬上熟吾貧庶幾得少安乎乃和淵明

貧士七首與鄰人歌而樂之

貧賤如故舊少壯卽相依中心不敢厭但覺少光輝向來乘時士亦有能奮飛一朝
權勢歇欲退無所歸不如行其素辛苦耐寒飢人生係天運何用發嘆悲 我居在
窮巷來往無華軒辛勤衣食物出此二畝園薤菘鬱朝露桑柘浮春烟以茲亂心曲
智計無他妍擇勝不在奢興至發清言相逢樵牧徒混混誰愚賢 松風四山來清
宵響瑤琴聽之不能寐中有怨歎音且起繞其樹硯硯不計尋清音可敷席有酒誰
與斟由來大度士不受流俗侵浩歌相倡答慰此雪霜心 中年涉事熟欲學唾面
婁遠巡避少年起穢不敢酬旁人吁已甚自喜計慮周微勞消厚疚淺辱勝深憂從
知爲下安處上反無儔人生各有志勇懦從所求 古人重畎畝有祿不待干德成
祿自至釋來列王官不仕亦不貧本自足饗餐後世恥躬耕號呼脫飢寒我生千禩
後念此愧在顏爲農倘可飽何用出柴關 村郊多父老面垢頭如蓬我嘗使之言
辭語不待工古來名節士敢望彭城龔有叟諄其後更恨道不同鄙哉譏譏者爲隘

剡源鄉志

卷十八

藝文中二

二十一

丹山赤水洞天

剡曲草堂印行

不爲通低頭拜野老負耒吾願從 去年秋事荒販糴仰鄰州健者道路間什伯成
朋儔今年漸向熟庶幾民不流書生自無田與衆同喜憂作詩勞鄰曲有唱誰與酬
亦無採詩者此職何可修

榜家東北有山曰紹地余幸得之規以爲素莊也

紹地吾所欣他時以藏我岡原見逾美松柏栽已夥雙流交在右一几平連左憶昔
初經營登高忘蹙跛年衰已漸怯步暫石頻坐居然契券叶偶爾龜策可心手之勤
勞軀骸庶安妥况復近芳茨時能薦蔬果雖無劉伶鍤備慕王孫餽

往時王達善嘗與予評陶顏二公云魯公乞米於李大失者李大夫光弼也而
怪淵明所乞食失其主人名氏以爲恨余按淵明乞食詩云飢來驅我去不
知竟何之行行至斯里叩門拙言辭則是淵明爲飢所驅本不知爲何人家
而叩之亦可憐矣然淵明家有五男子傳稱翟氏志趣亦同能安苦節夫耕
於前妻鉏於後又責子詩雍端俱年十三或當別有庶母淵明又當助其薪

水大約計之不翅百指之家而當飢餓單身竟行望屋求食不知其家何以爲處乃不如魯公闔門同飢共飽擇英賢可語者通情焉不亦可乎余家與淵明略相類不敢用淵明法壬辰春有感於故人之言遂和淵明詩韻將求如李大夫者而告之

今朝胡不樂取書一哦之飢窮古不免陶生良有辭骨肉同天倫僮僕緣食來如何長年中萬事付酒杯脫身得一飽激烈陳歌詩不如魯公仁借貸英雄材嗟余亦有作欲向誰同貽

六月十三日壽陳子微太博十首以無官一身輕有子萬事足爲韻

驕雲散飛雨隨風爲有無老農終歲心望施在須臾平生官田粟長此禮義軀置之且勿減一飽任妻孥 青青澤中蒲九夏氣凄寒翽翽翠碧羽照影蒼溪間巢由薄天下俗士營一官小大各有適自全良獨難 窮居無公憂私此長夏日蚊蠅如俗子正爾相妬嫉麾驅非吾任遁避亦無術惟當俟其定靜坐萬應一 流螢出草莽

剡源鄉志

卷十八

藝文中二

一十二

丹山赤水洞天

剡曲草堂印行

空飛亂星辰蜻蜓水蟲質一變能輕身物情羨速化眼過異新陳嗟嗟白屋士吾方保吾真 當暑苦炎暍日暮秋風生窮愛在衣褐霜露亦可驚徘徊念年少歲月去已輕歲月可奈何學道恐無成 自古皆有隱陶生隱於酒炎氛四面集一窟在北 隔世人羨桃源桃源復何有惟容醉鄉徒百世得相友 永日豈無飢盜粟非所擬 嗚行豈無勞惡木非所止君家碧梧軒蓮荷汎芳沚我來息涼陰嘉實薦君子 幽 蟲聒午枕掩抑聲千萬風前以虛鳴蟋蟀最多怨我靜乃得聞一一來自獻懂懂道 傍子與爾故相遠 炎方有朱鳥璀璨顏色異土人目爲鳳信爾可安致生雖固當 奇千歲會一至紛紛鴻燕期寂寂非我事 朝遊剡山巔暮戲剡山足英英丹霞洞 不受塵土辱飛仙復何許諸子如立鵠酌君滄浪泉和君柴芝曲

採藤行

君不見四明山下寒無糧九月糧麥五月嘗一春辛苦無別業日日採藤行遠岡山 澗無虎行不畏老少分山若相避忽然與藤隨意斫手觸藤花落如蝟藤多力困一

顰仲對面聞聲不見人日昃將來各休息妻兒懶拂竈中塵須臾叩門來海賈大藤
換糧論斛數小藤輸市亦值錢糴得官粳甜勝乳明朝滿意作晨炊飽飯入山須晚
歸南村種麥空早熟逐日扃門忍飢哭

坐隱辭

序

坐隱字出顏黃門家訓而其義非也余雖移家棠巖居猶未定每往

城南寓舍城中無所營交遊益疎或至堅坐踰旬不出遂取二字榜其室而
作坐隱隱以儆之

快馬疾馳不如徒步多金善賈不如躬耕日食八珍不如強飯封侯萬里不如還鄉
我觀古來丈夫子何用桑弧蓬矢射四方蘇秦生爲六印役主父死願五鼎烹不如
諸葛草間談管樂陶潛醉裏傲羲皇南面之尊何加於據梧之賤環轍之智無預於
荷蓀之狂高岡峻谷久亦變青天白日晝夜行茫茫胡爲憂愁浪自苦百年齒髮誰
得長堅強不如拚關掃跡成坐隱清齋永日一爐香

賦意未暢復拾前韻之餘者作廣坐隱辭

剡源鄉志

卷十八

藝文中二

一二十四

丹山赤水洞天

剡曲草堂印行

我作坐隱辭客來問我坐隱方開門進客還復坐爲客歷落言其詳隱朝市我不能
衝塵冒暑走遑遑隱江湖我不能披蓑戴笠操舟航隱山林山林白晝行虎狼隱田
里田里赤立無資糧窮觀六合內投隱幾無鄉是以古來人失路多猖狂或隱伶官
俠客或隱藥肆僧房或爲君平隱賣卜或稱陶朱隱行商雖能逃世網於事未爲良
况我難攜一身隱二親白髮垂高堂神仙拔宅古亦有無翼不得高飛颺不然少自
屈歸去隱耕桑隨備竭作既無一夫力買田築室又乏千金裝僮奴擲掄親友棄往
往人厄非天殃悲來俯仰尋隱處欲親書冊依杯觴引酒未一酌狂風鬱律衝肝腸
讀書未一卷噫嗚感慨淚浪浪酒能觸人生憤激書能覽古知興亡非徒不足充隱
具反緣二物來自戕覆杯捲卷且默坐氣定始覺如平常因思世上百千事是非榮
辱俱可忘楊朱墨翟悲泣兩無益伯夷叔齊浪死埋首陽不如隨緣委運祗塊坐冥
心徑往遊黃唐不論辨不憂彈射相摧傷不還往不憂風露沾衣裳人生衣食分已
定登途役役空自忙不見啄木鳥終朝一飽如不償不見守著龜窮年引息泥中藏

目前伸屈君莫問此鳥孰與龜年長坐歎自笑容亦歎烟爐暗室生天光

石湖范至能嘗作姑惡詞以為婦怨非天下之為婦者所願聞故作續姑惡詞

以廣之

姑惡水禽以其聲得名世傳姑虐其婦婦死所化其聲晝夜哀厲不絕

姑惡姑不惡姑惡還是婦道錯人言姑惡人豈知為姑作婦百不辭婦在姑尚可婦死姑方悲恐傷姑意不敢違化作異物鳴無時姑不惡姑不惡怨姑還當被姑責但願生身復作婦死別不如生見樂

劉箋送任寂實

剡溪春水碧鱗鱗剡山野藤如亂雲剡人伐藤就溪洗匠出素箋黃土紋大箋敷腴便竿牘小箋輕盈日千束我昔少年貪著纂累笥連箱輸不足年來棄置百事休引腕就書如畏囚有時得箋不自愛杜曲蠻歌相獻酬世人貴賤隨人好西家棄物東家寶退筆成山何足道為我攻修太玄草

春溪惡寄孫常州

孫有約不至

剡源鄉志

卷十八

藝文中二

一二十五

丹山赤水洞天

剡曲草堂印行

春溪惡日日春風吹過客千車萬轍不相嫌一客歌來吹倒卻旁人借問客為誰咸淳朝士今布衣聲名欲隱人自知君不聞孫興公逃亂走入梨洲峯子孫百世居峯下往往翰墨餘仙風鶴衣藿食何足恥頭白河清吾亦俟向來南面五馬車只飲西山一盃水青牛處處迷行縱白鶴歸來餘故官道逢樵客知去遠遲君不來三日晚溪水猶能作吳語似續君遂初賦

春愁曲次劉正仲韻

山翁隱居雁蒼谷春樹年年為翁綠耕休坐樹作勞歌山光水影相徵逐歌成無人祇自娛行人頗怪歌聲殊循蹤歷歷見井舍恐是避秦來此居花烟溟濛亂晴雨山前倉庚後杜宇客來不喜亦不驚但道寒暄無俗語山中今歲是何年黃旗徵樹裝樓船淺村已盡到深谷逢人未說先淒然憂來宛轉歌不已我樹非材端後死劉號機園五陵當日霧如雲如今何處悲風起山南老農亦不憂機淺不為妻子謀日高飯飽牛背坐日晚放牛溪上遊人生逐名被名誤十年車馬長安路長安路絕雲霧昏歸

來棄筆尋農具舊遊年少難與隨夢境一笑難重追惟有剡源窮掌故相思望斷西天垂

正仲復有倒和春愁曲之作依次奉答

漸老之日來垂垂已去之日不可追傷春畏老兩作惡世事嘗與愁人隨忽得君家遺愁具行歌日日春溪路不知愁緒逐詩來更惜芳顏被春誤王孫草暗誰重遊曲江痛哭窮參謀燕騎琵琶渭城酒居人不覺行人憂行人欲歸痿思起白髮逢春心未死水流花落無處尋燕去鴻來何日已溪村此日更蕭然強笑爲君呼酒船黃雞喚日不待曉蟠桃一熟三千年草間管樂真浪語烏雀應門蓬桂宇祇餘平世畎畝心夜半吳吟泣風雨高人與虎能同居壯士斷蛇應不殊年高漸欲置憂患每賴君語相調娛昔日劉郎逐放悲看花惆悵春無綠何如今日春愁曲爛醉伴狂白雲谷

剡民飢

剡民飢山前山後尋蕨其劇其得粉不滿掬皮膚皴裂十指禿皮皴指禿不敢辭阿

剡源鄉志

卷十八

藝文中二

一二十六

丹山赤水洞天

剡曲草堂印行

翁三日不供糜不如拋家去作挽船士卻得家人請官米

丙子除夜

富貴如今似駭機漂流未遣壯心違鄉鄰有酒貧能醉村落無醫病亦稀客任低頭從狗竇妻休掩面對牛衣十年涉世渾如此除卻躬畊事事非

夢覺

夢覺依然一草寮浮蹤已慣任飄搖虛簷晴氣生朝露遠樹寒聲過夜潮白骨又驚山下滿朱顏剛向客中消時平不愛通侯印且願深林作老樵

茅齋

紅杏園林雨過花遠陂深草亂鳴蛙春風不問茅齋小自向塔前長筍芽

秋盡

秋盡空山無處尋西風吹入鬢華深十年世事同紈扇一夜交情到楮衾骨警如醫知冷熱詩多當曆記晴陰無聊最苦梧桐樹攪動江湖萬里心

無題

板屋驟喧飛白蟻紙窗欲雨暗蒼蠅長勞井臼慚妻子近絕音書惜友朋夜半苦吟
堪泣鬼日高甘寢只輸僧意衰俗物何難敗才簿天公卻未憎

辛丑歲十二月二十六日東歸舟中示三子

節物悠悠不負公江行三日雪花風雲侵賀監山亭白日在徐仙海島紅自笑將皺
如病鶴也思結伴附歸鴻何時辦得村田活糲飯魚羹白指同

讀書有感

魯女悲嗟起夜深當年枉卻淚沾襟如今已免鄰人笑老大知無欲嫁心

范文正公黃素小楷昌黎伯夷頌蓋宋皇祐三年十一月在青社所書以遺京
西轉運使蘇公舜元者也俊二百四十年大興李侯戲得此本於燕及南來
守吳乃文正公鄉里卽訪公子孫以畀之范氏喜而索詩爲贈

有耳不聽下里巴人有手不寫劇秦美新天生靈物寄我體可惜穢棄同埃塵清風

荆源鄉志

卷十八

藝文中二

二十七

乃山功亦派大

荆曲草堂印行

百世希文老一字流傳今是寶誰知堂堂伯夷頌曾借春暉發枯槁韓子也復英雄
姿冰寒斗峻餘文辭吹噓自起北海隱膾炙聊慰西山飢天荒地老精靈在處處江
湖紅散綵昔離孔氏忽自歸今遇龔侯如有待世情愛古兼愛奇書奴滿眼非吾師
請君焚香盥手拜此帖歸洗人間兒女癡

余旣題陳貴白畚齋有聞紙田之說而笑者復作長篇

學農無年有可待學儒無成祇益餒羨君終歲作書癡聚室嗷嗷窮不悔客來問計
何所出一飽自縣饋粥外平生據案吹歔心汗簡爲犁筆爲耒槩芽百氏草避耨膏
澤羣經泉赴澮日高洛誦鳥鳥飛夜半吳吟風雨會世間梁穀何足道開卷穰穰心
欲醉旋薰辟蠹防雀鼠更繕巾箱築倉廩古言樂歲生禮義先見儒門消鄙悖租符
且免里正索子本時容書客僧東鄰有田多牛翁日執牙籌親細碎困糧竟作誰腹
飽騎吏驚惶汗流背此時畚齋淡無事峨冠正與周孔對理義適口卽爲味牛心菊
苗皆可贍我詩君意兩自知且勿饒饒語兒輩

壽陳貴白

祝君以陸地千蹄牛君言不如扁舟江海狎浮鷗祝君以通侯尺二組君言不如草屋三間臥風雨富貴何人不解頤君視二物如兒嬉我今贈君亦無物但有聲牙佶屈村田詩我歌詩君進酒客主謹譁起相壽尋常此日費千金京洛奔馳今白首江風颯颯吹黃塵對面樓臺不見人與君漂泊爲何事一笑幸是山林身寡語薄味足以養氣少求簡出足以養體奇章鍾乳本斧斤胡廣菊潭堪唾涕君不見南方鼯鼠五色龜窮年引息不嫌飢又不見曲轅擁腫百圍木匠石捐棄反爲福蝸封蟻壤何足論歸來未廢蓬蒿園我更搜詩君釀酒通家德公有賢婦

次韻答陳叔高

蚤種青蒲已滿溝暮栽黃菊亦成丘不辭西日射牛背尙勝北風吹馬頭新雨客疎塵鎖几故山秋淡樹藏樓艱難終竟鄉情耐準擬行窩處處留

次韻寄陳達觀少府兼簡叔高

剡源鄉志

卷十八

藝文中二

二十八

丹山泐水洞天

曲草堂印行

懷人路絕雲歸海避俗門深草蔽丘萬事漸消閒客夢一生虛白少年頭山蟹叫緩從除架淮雁來多莫上樓近日鄰家有新釀每逢詩伴得淹留

王丞自鄞城歸又許入剡

江城醉別太匆匆風雪家園一笑同儘健不妨天子老絕清那許鬼欺窮簡書異日關誰事燈火寒鄉賴此翁幾度丁寧雞黍約掃關拂榻誤兒童

壬午明清

節序愁中都忘卻見人插柳是清明登陣戍出吹彈樂上冢船歸語笑聲解事濁醪相料理當權團扇正施行悲歡寒暑君休問花鳥年年管送迎

寒食

寒食清明卻過了故鄉風物祇依然窮中有客分青飯亂後誰墳挂白錢落魄暖春爲麥地陰沈潯雨近梅天閒情正爾無歸宿石鼎新芽手自煎

正仲今年鄞城之約不就因次韻慰悅之

莫怪詩翁不出山詩多那得是山間清溪欲暖鶯啼樹白日無人犬臥關不惜野花簪素髮時憑春酒轉朱顏當年阮籍何曾達直到送窮始哭還

壬午六月八日書懷

懷人故國鱗鴻絕避地春園草樹長四壁空存醫俗具千金難售賣賦方共兒坐誦修吳語有客行歌街楚裝昨夜見花搖作夢南風吹海白茫茫

以家事付諸兒惟不得姑蘇陸氏女子消息

祇憐他僻少過從更許年衰養惰慵行健有時尋近局起遲嘗日到高春鹿皮冠野頻頻戴戲頂蔬齋欵欵供兒女團樂俱在眼獨憐無信過吳松

五雜組

五雜組金花綾仕復來官路程不獲已始歸耕 五雜組斑爛衣往復來反哺兒不獲已爲人師 五雜組雜繡襦往復來駟馬車不獲已學著書

贈屋四小陳秀才 名公凱余字以無過

剡源鄉志

卷十八

藝文中二

二十九

丹山亦小洞天 剡曲草堂印行

年少飢寒不足憂笑談有味目風流等閒輒贈兩兔親待看修成五鳳樓 毛錐自是今無用鐵硯還知古可穿不惜日鈔三萬字勝儲百畝剡中田

題東玉師府所藏瀟湘圖

少年魂夢底曾閒多在江湖烟水間今日精藍方丈地倚窗眠看洞庭山

謝鄰友陳仲學秀才惠王芎苗二首

坊州杜若自堪羞沛國青粘亦懶求那似一叢蒼鳳尾等閒收味古蠶甌 君家自有頭風藥種在青青竹素園此物但堪供冒啜暑來相就發清言

雨中過泉教張子開名先遇

平生剡夢十八九短策還經靜者居一曲好溪山起處敷聲疎雨雪來初 衣冠顛倒君休怪筋力過從我有餘卻笑秋風洛陽掾得歸猶望食鱸魚

次韻答鄰友近况六首

十百琅玕接屋山麥花淡白菜花斑邨園富貴誰消得更看溪南墨牡丹 炊成日

影三竿直睡起溪流一尺高
惜懂不知何歲月山風吹白鏡中毛
祝雞歸後放牛
初小立溪梁看打魚
漸喜村鄰盡相識
向來朋舊卻無書
剡源田舍誰能識
只此
桃源有路通草長岸漫魚塹北
月明人語紙槽東
三間瓦屋數弓園
旋學桑麻又
一年村酒沾唇頻得醉
山歌出口卽成篇
舍南舍北種田郎
唱得田歌曲曲長
莫學傍村遊俠輩
茜紅抹額臂擎蒼

送陳養晦謁閩風舒先生四首

嚼雪餐冰二十年
空山日月自風烟
從君識按盡詩法
不透蘄巖不是仙
蘄巖山名
大篇無法須自悟
小語有益最難尋
祇今人嫌此老謔
後未追憶直千金
大冠襜袂走紛紛
對面可容三斗塵
便令眼識天下士
此子已勝尋常人
無詩莫入閩風里
到卻閩風那有詩
拾取松風作新曲
歸來時向夢中吹

同曹泰宇賦寶化鳳花二首

曹名說字習之

花開難得年年看
住近須還日日來
古壁危闌自顏色
不煩高築鳳凰臺
鳳凰臺

剡源鄉志

卷十八

藝文中二

三十

丹山亦水滸天

曲草堂印行

不出幾何年
莫怪山花惜杜鵑
一樣春風好
毛羽回頭曾管蜀山川

鳳以杜鵑花爲之

劉正仲至寶山不值主人而去次韻奉寄

日日松間過客稀
詩成忽在水雲西
何人夜榻愁聽雨
無數春船倒上溪
燕筍出時斑豹美
鳳花開處杜鵑啼
東歸更踏來時路
醉筆山牆取次題

春夜喜陳汝晦見過

乃翁治獄多陰德
之子論文有古風
尊俎祇容吾黨共
衣冠能得幾家同
書林有業何妨隱
徭籍無名莫怨窮
百歲相期今夕意
賴君咳唾起諸童

陳秀才問詩於余次韻贈之

叔一

秋半說詩秋又闌
覓從忘處更哦看
不妨味熟心自悟
祇恐業成身轉寒
竅木野風天倡和
崩溪怪石鬼鐫刊
攀君更上最高頂
莫羨千金遊子鞍

酬陳秀才

一春一百二十日日
開眉得幾人
直與破除風雨去
今年渾似不添春

題陳秀才溪山佳趣

城郭尋尋盡溪山宛宛來同誰遷蠟屐爲子破蒼苔書欲爛斑設花須爛漫栽趙郎
題墨妙烟霧眼中開

次韻子封承之遊桃花塢

陳深

閨門行樂送韶華閑訪城陰野老家黃蝶得晴飛菜葉翠禽隔浦啄桃花衡門倒屣
臨官路古渡橫舟閣淺沙亦有詩人時一到醉吟行盡夕陽斜

拜林和靖墓

樊惟七

隱居不是負明時自是梅花百世師死佔湖邊三尺土名揚天下一聯詩有碑頌德
苔封字無子傳家鶴守祠欲識吟魂在何處黃昏湖月上梅枝

太湖石賦

陳洙

客有嗜太湖石者圖其形示余命爲賦其詞曰

江之東直走數百里有太湖兮澄其清湖之浪相擊幾千年有頑石兮醜其形徒觀

剡源鄉志

卷十八

藝文中二

三十一

丹山赤水洞天
剡曲草堂印行

夫風撼根折波流勢橫神助爾怪天分爾英駭立驚犀低開畫屏素烟散而復聚蒼
苔死兮又生譬夫枯槎浮天黑龍飲水鬼蹲無狀雲飛乍起穉戲攜手獸眠盤尾大
若防風之骨竅如比干之心密房萬穿秋山半尋子都之戟前其鏃韓棧之劍利於
罇若乃湖水無邊湖天一色露氣曉蒸蟾津夜滴伊爾堅姿峭兮寒碧千怪萬狀差
難得而剖悉我將弔范蠡於澤畔問伍員於波際原君厥初何緣而異公侯求之如
張華之求珠衆人獻之如卞和之獻玉植於庭囿視之不足噫爾形擁腫兮難琢明
堂之礎爾形中虛兮難刻鴻都之經用汝作礪兮汝頑厥姿攻汝爲磬兮汝濁其聲
亡所用之而時人是寶余獨掩口盧胡而笑子之醜

思歸

陳樸

九曲遠窮源源深與剡連烟霞林外屋歲月洞中天村落人蜂聚崖山路蟻沿蓮花
千峯下何日賦歸田

題朱澤民秀野軒圖

四運無倚機生意恒相屬茲軒俯林園長年得娛目灼灼枝上花娟娟坡閒竹雨過
乏晴彩霜餘淨寒綠清芬謝妖靡幽姿遠塵俗心跡淡已安於焉樂貞獨

送張吳縣之官嘉定分題得白雲泉

白雲如白雪清泉清比月泉以白雲名雲泉兩同潔滴瀝翠池滿瓏瑋玉琴咽斜侵
落花徑直通鳴鶴垤觀蒙欲果行委順能安節使君潔白操酌奉使君別

題徐良夫耕漁軒

攜犁隴上耕放舟溪中漁耕漁樂暇日還復讀我書邈焉懷古昔已往莫與俱匪惟
慕高節適意聊自娛珊瑚鳴珮環巍巍乘軒車當時耀尊榮千載垂名譽偉哉非常
人賦命業莫如願言謝同袍勿事爭奔趨

春日早朝

明曹習古

瞳隴曙色啟皇州驄馬朝天紫陌頭淑氣曉凝鵲觀晴光春靄鳳凰樓鵷行劍履
趨階陛柱下冠裳拜冕旒日侍彤墀簪白筆治安何策效前籌

剡源鄉志

卷十八

藝文十二

三十二

丹山赤水別入
剡曲草堂印行

長洲思歸

陳 經

我柔我梓實爲丹山身雖異方夢寐往還雲峯峨峨石流潺潺或曲而阿或駛以灘
自西徂東山川九盤九盤之中間以夷阻昔聞耆年習俗淳古衣冠絃誦無異齊魯
彼繁者華今或烟莽熟繪是圖吾宗之子子於斯所洞見者真紀勝述幽足信遠人
疇能超然謝絕囂塵煙霞是鄰猿鶴是親返吾故廬爲九曲民

送張吳縣之官嘉定分題得太湖石

太湖一片石重巒八面回影枕碧波月身駁錦紋苔峩峩金峯隱玲瓏翠壁開玉露
浮仙掌丹霞照天台雲淨蓮花出星虛織女來相門題品舊堅貞冠古才

秋懷

方寸涵太虛百慮俱無聲靜夜不能寐秋天不肯明憂患入吾念嗜慾雜我誠歲時
有變化日月有虧盈安得啟重門而去此心兵守茲澹泊質草木忘華榮無言對幽
獨勤怠惟所令

隱學山

徐本原

周穆日盤游九鼎幾欲移造父御八駿萬里觴瑤池邦家歎無主神器將安歸諸侯
悉朝徐瑞應維其時忽聞黃竹歌拒戰非所宜避位向吳越直至東海涯德義感人
心臣庶爭相隨山以隱學名山有棲真祠翁仲翳草萊再拜空嘘嘻遼東鶴不返家
墓何纍纍子孫繁且衍譜牒能相貽零落千載下惻然起遐思

隱學寺

訪古叩禪關招提盡日閒鳥嘯青嶂裏僧語翠微間今日棲真地前朝隱學山石壇
芳草碧墓道落花殷德治民心服身罹幽步艱代周知遜位命楚反羞顏鳳去彭城
路龍潛越水灣惟留翁仲在不見令威還碑薛應難認烟蘿已倦攀隴雲同杳杳澗
水自潺潺與合千峯紫香殘一徑斑夕陽歸興緩清磬隔塵寰

典衣得米酬梁子重

衡案周三賦與子爾埃借隱公塘以終故二公之詩悉据荆川詩鈔補入

周立本

三賦

微緼值幾何貧以供朝餐日中不可得騰落面亦寒對客匿所懷刺刺故更端豈無

剡源鄉志

卷十八

藝文中二

三十三

丹山赤水洞天
剡曲草堂印行

知交人屢覓覺厚顏當厄不在多多君真肺肝以之感奮遊不禁發長嘆

登望海尖

日躡巔上巔羣巔在其足迺知碧雲上仍有碧雲宿八百未為封九萬還相屬帶水
橫天際笱峯烟杪盡海浮澄氣平墳起浪痕族四窓卷作巖二雪杯為谷束溟手可
招南極誓相觸嶺陡樹懸梯徑燒草猶綠自足放眼寬浩歌午風馥

陽月六日上蘭芎山尋松鄉先生故碣

寒山誰共語霜滑且相尋峯迴江逾逼篁多寺較深風流一片石雲護萬年岑愧我
承君後捫蘿慰夙心

春杪遊法相寺踵有斐韻

雨過雲猶縵谿山氣自酣僧歸經遠寺鳥度短輕嵐谷冷粉紅在峯高落照含定光
今逗漏詩卷日相參

楓橋夜泊

久喝人如醉夜闌風醒之萬舸緣岸穩一棹出江遲月自連村白樓因傍水奇岫雲
知我意故宿洞庭湄

木末亭拜正學先生

願以十族命一酬莊士知肯教舌自離任使骨如糜遲日照坏土長江擁淚碑蕭蕭
木末外千古碧雲時

坐陳木叔山亭

涼飈習習上雲莊一院清陰六尺牀二固月橫連海白三河潮落露洲蒼竹邊有鶴
自窺客花下無人莫哄堂尤喜郊原風露寂數聲欸乃過垂楊

初陽嶺春日晚步五韻俱限

斜陽卵色勝於藍直上危岡性太憨溯壑不知溪欲盡綠籬猶見葛初覃如如杖履
聊成適巒巒烟霞卻近貪幾得破雲瞻遠色前山隱約萬峯簪

除夕

剡源鄉志

卷十八

藝文中二

三十四

丹山赤水洞天
剡曲草堂印行

山留春靄水留烟贏得餘生又一年誰謂風塵能換物檐梅依舊笑嫣然

過舒文靖公廢祠

好風時過數株松中有先生一畝宮野草年年依舊綠不妨籬落眼前空

春日偕孫鴻羽入戴有斐過雲莊各賦竹枝詞

路轉趨起嶺上行人歸叢薄只聞聲手披雲窟知何事爲採黃精趁晚晴
糞筍南溪歸路遲茶烟猶自出林西村姑棘手遙相詈隔水牛羊風雨迷
麥秋已近菜花黃欲下秧包細自量昨上坡頭看萸萸一溪雨過暮雲涼
深山無復鳥相親聚鹿從來不畏人日暮岡頭看雲廣清溪流水確聲頻

吳江對月

月淨空江正暮冬江風遙送隔林鐘高橋一望山如抹隱隱天池幾個峯

白鶴山房感懷

柏葉黃時楓葉紅水蒲依舊綠芄芄澗邊挾策眼前事四十年過一老翁

山月

周志甯 爾瑛

山居趣自清山月光不寐我亦閒主人悠然與之對舉頭月在天低頭映襟佩

坐戴二瓦清始齋

朱戶接山情眉宇散晴朗片席涵碧虛微言逗玄爽天風清忽來庭月白且上以我抱瑟人嘯歌亦懔懔

約梧月

明月客我牀兼攜兩梧入河漢亦臨窻欲灑裳衣溼白日苦歎炎流颯今習習不嫌主者清來宵復來集

偶作

高樹苦多風衆競安其卑寧知嶺頭柏千尺蒼巍巍上施蔦與蘿下陰輪菌芝抱質苟堅貞寒飈安足移蘭蕙豈不馨有時霜露萎

對鏡啜茗

剡源鄉志

卷十八

藝文中二

三十五

丹山赤水洞天
剡曲草堂印行

獨啜有玄賞其惟品茶耳方愜孤往趣鏡影胡亦爾相對若主賓辨形辨彼此不知鏡中飲色香復何似神領各無言目覩逗微旨舉似湯社人欲語還復止竹光來甌中彼或得其理

旅中照鏡歌

隴首斜陽塵四罩投荒逆旅驚鷗笑忽然古鏡生璧光千眼白毫間一照將形問影影不言恍對古人論面貌好老好少亦何常貴人難老窮難少朱衣丹轂可還童白髮年來欠公道噫嘻乎此言錯取天相料奄裏浮雲發空嘯

搗衣曲

蓬婆城頭落日黃征人戍久思故鄉閨中搗練向明月縱有衣裳誰寄將凝霜八月被秋草見說邊頭寒更蚤燈前淚盡卽不知衣成一夜紅顏老

典蓋衫買米

青青者衿遂遂者粟不衿不襦非酒非肉弁髦乎頤尋褌幅乎六服何用此楚楚者

爲哉敢爾質之魯朱氏得禋薦之五藏之神而受福

芳杜洲曉發

秋老月魂白揚船赴北征水連茅店動山與石橋平木末霞封谷雲根路出城風微
潮正滑劈浪一帆輕

湖橋晚眺

秋入楓橋晚潭凝岸腳清夕陽浮樹影新月落蟬聲雁宿廬中港雲開竹裏城牛羊
猶未下牧子策歸程

晤楊再慈

相隔一里許得承欵唾餘見頻能不厭意愜各相如花氣迎簾重桐陰覆廣虛北窗
遙映碧匡坐伴刪書

過北山寺

水響門前石嵐封階下苔寺貧僧不定春去客還來籬折過頭筍林殘澗齒衣愁深

剡源鄉志

卷十八

藝文中二

三十六

丹山赤水洞天

剡曲草堂印行

如有待延客入雲堆

山陰道中

舟入山陰道浮雲盡日飛野鷗依靜渚深樹隱閒扉客思頻添夢鄉心獨攬衣愁深
今夜月帆落趁漁磯

和戴二芑幽棲韻

揮戈那得日東行孤衛填波波未平踏地豈容隨世步買山聊可中身清露承松葉
秋爲課月種蘭花且有評曾許東臯卜鄰約年來共結養鳧盟

過曹娥江

曹娥江邊落日黃蘭芎山下古祠荒靈風不墮鴛鴦瓦浩氣還生牡蠣墻純孝於今
留越汎怒濤千古並錢塘寰中多少鬢眉婦誰解低頭拜女郎

鬻書買米不售

歲月遭逢數自奇聚函高枕忽相離多藏自古生幽忌持贈於今少俗知吳氏純鈞

悲去後趙廷完璧喜歸時雖然不失君家物一字安堪煮療飢

春雲

春雲按地生日高雲漸起遙思山人尙在春雲裏

促織

牀前夜唧唧相促一何力惆悵鴛鴦紋停梭不堪織

絡緯

籬白匏花香縵聲入夜長月明秋杵冷愁殺絡絲娘

夜夜曲

夜夜夜烏鳴孤情夜夜生郎來如鈎鉞能慰燈懷半

溪居

自非垂釣客每作垂釣思綠蓑放寒石竹影弄潭時

灌蔬

剡源鄉志

卷十八

藝文中二

三十七

丹山赤水洞天
剡曲草堂印行

禾稿菜亦盡汲水蘇渴竟無使園中色上我愁人面

古意

空瓶汲冽泉墜首經幾轉不嫌碧盞深自恨青絲短

城頭久望

楚囑都忘倦乘閒只此身病難消傲骨貧不愧詩人

俠女圖

雙丸織掌電燐燐俠氣偏於豔骨真繡帶盤空飛雪刃人間那許負心人

衷訴

半池墨汁三生淚幾曲歌行一代愁撥悶漫尋樵子徑起聽竹嘯與松謳

春風詞

吹向芳原草又生百花步障遞春聲年年綠到貧家樹始信東風不世情

山行

半壁雲陰半壁霞忽飛疏雨灑山家春天到處能忘倦便是窮村也見花

山莊

平田麥子秀初齊十畝桑麻戴勝啼茅屋酒香春自醉夕陽一選棟花西

口巖次孝廉劉嗣昭韻

清單九翔

登眺真如五嶽巔三山瀑布瀉流泉煙開古木蒼龍見日映琪花簇錦鮮忽聽笙簫來鶴舞不驚鷗鷺傍雲眠石橋自入天台路好覓青精共永年

詠梅花次韻

百折此柯半古苔淡情飄蕩入春杯弄珠灘畔何人渡解珮江皋有客來茗具煑殘寒砌雪茅亭添卻斷山隈南枝莫訝三分吐似待年華未忍開

上巳詣伯叔祖墓

日暖柳芽舒春亭壁半虛主人一旦逝蔓草七年餘松竹仍棲鳥花缸少種魚興亡詞客淚對酒欲沾裾

剡源鄉志

卷十八

藝文中二

三十八

丹山赤水洞天
剡曲草堂印行

丹山避暑

逃暑過丹山相將坐石閒風聲低壑度暑氣及時刪古木蟬聲咽新篁鳥語姦不須河朔飲心地自清閒

弔林和靖墓

逃名處士寄塵寰亮節高風那可攀鶴去秋空人不見梅花依舊放孤山和靖高風日月長年年花發奠椒漿梅花自合孤山看移到華堂便不香

九月望日偕友人飲草園瓢

唐文獻

偶然事閒適迤邐達郊郭酒旗正高颺啜飲且須臾盤蔬雜蒿芹亦勝鮪與鱸當杯君莫惜落日西山隅雖有尊中酒難飲泉下夫亭前冢纍悔不高陽徒何如荷鍾者

生死等秕稂

○衡案剡川詩鈔達郊郭作
城東隅西山隅作西山隅

過蘆溝橋

欲問陽城宅殊爲來往頻乳鴉巢遠近過雁語寒喧曲岸迴東野高陴瞰北原浮沈

多少事千古一橋存

夜涼

蕭蕭木葉打窗扉又送新涼入做帷煖不及時秋後雨淡而有味客中詩還家自媿
蘇秦婦交友誰知蔡兒兒不寐起來搔首坐繞庭促織替人悲

暮春

忍將老眼看韶華桃李無言日月賒晚白菜肥蠶出火冬青花落燕成家煮茶湯沸
風聲轉夢草詩成日影斜零落殘紅春思寂故園風物足桑麻

夏日閒居

綠竹蒼松引夏涼方塘曲沼藕花香兩峯猶對空山靜一鳥不鳴清晝長春得細糧
如玉子釀成新酒勝瓊漿人生快意能如此何用荒唐入醉鄉

送王繼中

秋來忽得挂衡書又報王郎去聽除若有鄉情須寄我便生官況也從渠山中歲月

剡源鄉志

卷十八

藝文十二

三十九

丹山赤水洞天
剡曲草堂印行

三邊雁客裏餐殮兩饌魚此去上林方獵較要因奏賦識相如

湖居雜興

西湖山水名天下有客乘春作勝遊日騎踏花銀絡首青娥舞雪錦纏頭旛幢影裏
高低寺絃管聲中遠近樓如此風光莫虛度人生祇合老杭州

西子湖頭風日佳春衣初試踏晴沙長隄畫舫依楊柳小店青旗颭杏花笑裏握圖
機變巧狂邊題句字欹斜晚來不盡登臨興一路鶯聲送到家

詠鴉

平原雲散起寒鴉陣陣飛來掠淺沙曾向瓊花臺畔宿羽毛猶到日邊斜

淺沙作禁苑斜日
邊斜作日邊霞

湖居

步逐東風踏軟沙背人驚鷺去斜斜兩株紅杏疏籬外知是湖村賣酒家
網魚人散水風腥雨色涼分柳外晴回首夕陽都落盡忽然東向數峯明

豐樂橋

層樓高處燕王孫湖上山青落酒樽三百年春一夢月月明還照湧金門

○衡案刻川詩鈔山

青作青山

感秋

客館悲黃髮况逢重九天誰人歌白苕無地按朱絃塔影望中出秋聲樹杪傳共沾黃菊酒得續少陵篇

春日漫興

欲作羲皇第一人窮途笑傲趣皆真襟期四海閒心舊胸次三杯詩思新身後骷髏誰是主眼前花柳我為賓狂歌笑飲蘭陵酒轉覺西山有白雲

春暮

單羅初試怯春風金鴨香銷翠被空江燕低翻三寸黑海棠微褪一分紅酒因睡淺醒難解詩為愁多句未工晴日漸長兒女懶秋千間在曲闌東

剡源鄉志

卷十八

藝文中二

四十

丹山赤水洞天
剡曲草堂印行

寄陳介眉

唐文煥

文園近日更何如杏樹村頭好隱居境隔不知塵市鬧門開惟見稻梁疏碧窗清晝閒評藥綠樹涼風靜對書喜得江村殘暑退挈舟擬欲訪精廬

○衡案剡川詩鈔境隔作塵隔塵市作城

書懷

守窮咄咄老吾年幾費茅絢結漏椽善買誰求司馬賦癡心欲借尉遲錢六通未具難成佛九轉無因漫學仙一事尚為今日幸免供徭役為無田

慕周濂溪先生

毛階六

余所慕兮周濂溪鄙竟墜緒賴之提書邃雅尊庸學竝圖精還與義文齊學顏志尹憑通塞弄月吟風任取攜嗟予小子生何晚安得起之覺余迷

慕程伯淳先生

余所慕兮程伯淳幼而有志為聖人學道遠承洙泗澤授圖親傳汝南薪優游杖履

春風普浸潤講筵化雨均嗟予小子生何晚安得起之誨諄諄

慕程伊川先生

余所慕兮程伊川純粹淵懿道德全入顏與夔會真樂談易精微澈妙詮兄是伯淳明性學師同茂叔接心傳嗟余小子生何晚安得起之親講筵

慕張橫渠先生

余所慕兮張橫渠銘著東西妙理舒禮樂精函經學卷天人道晰正蒙書勵行胥恃果而確立德渾忘毀與譽嗟余小子生何晚安得起之聞緒餘

慕朱晦翁先生

余所慕兮朱晦翁道德不與諸賢同和毅從容儒者氣溫良恭儉聖人風皇猷黼黻一時盛性學昌明萬世功嗟余小子生何晚安得起之發余蒙

慕文靖公舒先生詩十首

於皇有宋道重亨日月光華性學明當日四明名彥四深淳尤著我先生 先生學

剡源鄉志

卷十八

藝文中二

四十一

片山赤水洞天

剡曲草堂印行

問豈生安訪友尋師智力殫講論朱張與陸呂孜孜那有半朝寬 寬閒豈望學能精云是吾非一蹴成磨厲卻深纔勿畔先生原自道吾誠 誠之誠者異而同真積久時道自充曾得孔顏樂處在敝牀疏席趣無窮 窮埋原須講習功余生恨不與時同先生芳躅今何在淵想當年學道風 風微人往故園燕數百年來無此儒欲訪廣平書塾處先生何術破吾愚 愚衷常自恨相睽思向公祠特拜稽越宿致齋度步謁誰知連雨阻龍溪 溪漲數篙雨未稀胸中情事已全違何緣館事急相召躑躅回來幾涕歔 歔歔古道愛者誰欲法先民議轉滋世遠還期能默啟好書細讀卽余師 師善何須杖履傍風流挹取益無方先生警欬杳何許穆穆山高與水長

遇大風思親

王景堯

凌寒松柏也顛狂一陣陣來滿講堂幸有高山圍四面暴風應不到家鄉

示諸弟子

勿嗜他塗誤此生前人遺製力求精文新不外研題細詩勁偏由叶韻橫

許岸張先生像贊

孫廷鎬

落落長松于巖之阿櫺臺蒼茸挺此喬柯干雲凌霄點綴山河爰產碩人獨寐寤歌
寤歌維何風雨晦明雞鳴盥漱無間短檠天壤一席學力是撐閒倚雕欄撫卷長
吟一室靜好左圖右書心有天遊神與道俱措諸事業式化里閭溫溫恭人維德
之隅 豪傑乘時非時則隱吾道龍蛇虛中是準物外逍遙柴桑綦近偉哉是翁曰
天山遜 拂拂青衫巖巖絳帳肅肅門牆雍雍禮讓樂育有懷春風駘宕矩矱後生
高山共仰 古有哲人樂志邱園採山釣水脫屣高軒孝友恭儉垂裕後昆穆然清
風道氣長存 六經是訓餘慶降祥翁實體之積厚流光文子文孫競秀齊芳鱗翔
鳳翥世卜其昌 我來許岸少微掩芒秋老景澄荔丹蕉黃愧乏犧牲以進一觴拜
手陳辭侑此椒漿

慕陶

剡源鄉志

卷十八

藝文中二

四十二

丹山赤水洞天
剡曲草堂印行

丈夫有傲骨入世無詭隨夙操見幾哲高蹈歌采芝卓哉陶彭澤生不逢清時恥爲
米折腰乃賦歸去辭解組還南畝種菊盈東籬花前一樽酒獨酌常自怡信口得佳
句味淡聲音希此身白雲伴此意明月知願言樂天命悠悠太古思千載景華嶽伊
人安可期

田家

耕耘農務急紡績女工忙田土生涯穩園蔬滋味長三秋先釀酒十月早完糧比戶
安溫飽堯天樂未央

驛駐舊廬題似堂兄友孚

舊是先人業今成兄弟家山雲含古意庭樹發新花秋月陶潛酒春風陸羽茶回頭
城市路真覺太繁華

春遊漫興

風日晴和天氣新一年春色又宜人小桃含露嬌紅甚高柳籠烟嫩綠勻總有愁腸

須解脫可當佳節不精神行行試聽枝頭鳥也愛韶光弄舌頻

塞上太平曲 四錄三

月照黃花戌春臨白草城邊疆烽火地無復羽書驚 中國有唐堯天涯兵氣消玉
關都護府閒殺老班超 魚海不揚波龍城載戢戈戍樓人去盡月白雁聲多

春遊

尋芳隨意豔陽天春在花香鳥語邊為愛前溪新水綠芒鞋踏遍草芊芊

題鄭小樵畫梅册

竺陳簡

尋得羅浮姑射仙暗香疏影入雲牋教人轉惜林和靖徒有孤山詩句傳

題歲寒三友圖

宋可堂

北風烈烈雪漫漫落木蕭蕭誰耐寒獨爾自古稱三友鼎足同支殘局殘喬柯拔地
鐵石勁翠蓋凌霄虬龍蟠蒼然古色兀不動獨立宜傷形影單乃有此君起姍姍拂
雲蔽日撐修竿大夫自合伴君子何嘗道誼重金蘭况復山中有高士月明紙帳臥

剡源鄉志

卷十八

藝文中二

四十二

丹山赤水洞天
剡曲草堂印行

層巒冰肌玉骨軼埃竭以此締交交愈完四序年年有寒凍二族歲歲無凋刊節操
既同性情合耦居真足敦古歡吾觀世人喜結納每至窮途全者難盛時爭慕執手
熱一寒誰復共盤桓吁嗟乎翟公之客何翩翩請對斯圖子細看

題甯海友人北上圖二首

宋紹祖

曲曲迴腸兩地思虞山濟水路多歧征車北上欣同軌鳴鶴南飛少故枝旅夜尙驚
蝴蝶夢長吟常在蓼莪詩英雄髀肉神仙骨禁得消磨有幾時 檢點頭銜媿此身
幾年前事話艱辛名場苦志孤寒淚半世青氈淡泊人清濁泉流分自定升沈劍氣
認難真看人騰達飛黃去何日方占尺蠖伸

石夫人

在巖頭董家坪裏

毛鏗

片石峙嶙峋何年化作人真形餘太古頑性亦終身鏡對千秋月花簪百代春烟霞
伊慣住絕頂隔紅塵

有石號夫人千秋貌不春衣生苔點古腰護薜蘿新品早超塵世形還歛笑嶺空山

常獨立花鳥結爲鄰

山居雜詠

○衡按剡川詩鈔編
編山居作聽琴莊

青山作畫水鳴琴繞屋蕭疏竹徑深最是閒居無事日倚窗時對鳥談心
蕭蕭暮
雨透疏樞碧鎖煙痕入畫屏竹裏流螢飛不住隨風送過綠楊汀
竹榻迎風半掩
扉荒齋靜坐欲忘機黃鸝聽罷斜陽裏一曲樵歌唱晚歸
一輪明月照當頭戶外
青山氣欲秋此夜請涼應共納何人長笛倚高樓

上人悟心天台山隱士也乾隆間挂錫西峯寺禪風大振予生也晚不獲見父

老傳其大略因述以紀之

聞昔禪師事言是古佛修心機何靜寂骨相何清幽死生淡不問是非豈其謀禪風
忽以振行腳來荒陬試問何所事羅拜若有求拜者嚴且蕭默默坐不酬登山偕麋
鹿玩水狎沙鷗道心及頑夫獵者罷林邱羅子訪其名偕隱與之遊
瑞金羅壺山先
生與之訂交
披圖偶一覽知非沙門流
里人有見其小照者其冠裳都皆
在朝儀制而上服又是黃緞置衣託迹瓶鉢間高不事

剡源鄉志

卷十八

藝文中二

四十四

丹山赤水洞天
剡曲草堂印行

王侯斯人已千載風規至今留

鳴琴灣觀魚

灣在聽琴
莊之右

爲聽鳴琴來閒向水邊立忽見數游魚樂哉此相集往來何容心天機任出入媿我
不如魚心性常膠執

花影

小院春花絕點埃滿階清影覆蒼苔露微曲徑朝曦暖雨過芳叢皓月來十二闌干
圍寂靜一雙蝴蝶誤徘徊茶靡架上風初定無數濃陰掃不開

月影

羅帳新延斗室幽玲瓏卻趁月光浮雲疏玉宇初開霽簾捲紗牕半上鈎蘆葉風翻
微白夜蓼花霜落淡紅秋有人對酒饒仙趣應許相邀共此樓

秋水

夕陽深處鎖寒烟萬頃澄波共碧天落葉半紅疏樹樹采菱一曲罷田田潮平古渡

添漁火日暮西風送客船
蘆荻灘橫霜氣白
開篷涼愛月光圓

偶成

一路忽忽至柴門
局末開閒從花徑立
風送暗香來

哭弟

陳錦

欲慰親懷怎強顏
高堂白髮淚漣漣
膝前迹杳仍如在
夢裏魂歸不當還
忍聽豈心終日慟
誰教荆樹一枝刪
每當回首如癡候
烟雨濛濛滿故山

雪中望弟墓山

曉起驚看粉飾裝
江山舊態變尋常
青迷馬鬣歸烏有
白混螺鬟認渺茫
廿載赤心忙底事
一堆黃土指何方
拓開眼界悟空相
兩戒原來盡海棠

題畫雨竹

此君不與衆芳同
細雨叢中綠更濃
從此塵氛都淨洗
好將清潔對蒼穹

秋分日遣興

宋聲霽

剡源鄉志

卷十八

藝文中二

四十五

丹山赤水洞天
剡曲草堂雜行

風光流轉向誰邊
萬樹寒聲咽暮蟬
僕本恨人無快語
秋如過客又中年
平分愁思千家月
誤盡浮生二頃田
相得柴門流水外
兒童閒刺釣魚船

立秋日

一夜西風客自驚
絲絲細雨早涼生
蟲方應候頻爭響
葉到辭柯更覺輕
誰敢負喧當夏日
最銷元氣是秋聲
偶然命駕思千里
不爲鱸鱸動別情

初夏雜詩

青山笑我獨歸遲
又是堂堂買夏時
滿地閒花隨意落
夕陽紅在最高枝
垂楊消瘦草初肥
隔院春陰綠四圍
聽盡慳慳五更雨
起看蝴蝶抱花飛

題表兄毛石臺玉佩小照

自號性顛人亦呼顛性
欲其顛其實非顛形
貌似顛神情亦顛
與予談笑一顛見
此繪圖一顛自見之
不覺宛然而笑其顛人見之亦覺欣然而慕其顛

祈雨嘆

春盡隴無麥秋至地不毛白日出杲杲黃冠語嘈嘈夜來飄雨絲或可生蓬蒿論此
點滴功已見官人勞賽神徧都邑簫鼓聲周遭老龍耳不聞仰視青天高

大風竟日

天風吹浩浩昏且不少息起看萬里雲迸作一絲直當其盤旋時空處不得力一著
高樹巔遠送陵霄翼飛鴻自冥冥棲鳥猶唧唧悲哉此何聲往矣空相憶

送別

對酒忽不樂此意當告誰前年折楊柳相送河之湄河水方瀾瀾帆席猶遲遲飲君
別時酒讀君去後詩偶然揮涕淚未足言相思去年君送我繾綣不自知一年一會
見又是君行時亦知會合易何如無別離

舟中懷友人

燈昏夢醒空江住臥聽潮生送行處此時有酒不復嘗安得坐君之草堂急招明月
入我手且爲兩地分清光君不及逢秋早便覺悲秋都草草幾日湖心醉碧筒眼

剡源鄉志

卷十八

藝文內二

四十六

丹山赤水洞天
剡曲草堂印行

中又見西風老西風狂吹澹秋影波聲櫓聲共淒警豈獨魂銷臨別時卽此須臾猶
逝景荒荒月落烏啼天遠山招客行近前君如念我何處宿一舟橫泊蘆花田

秋夜舟中書所見

亂雲如梭穿月過天市垣西斗杓左客子起問夜何其野艇沿流風屢簸忽驚燃竹
光萬點仰見橫空星一個掩篷脈脈坐太息有人却向東山臥

老翁

狂風驚林拔大木林下老翁有茅屋夜半出門塵眯目敗葉枯枝迎面撲苦道眼前
巢欲覆扶杖祇愁行不速稚子牽衣走相逐今夜不知何處宿皎皎旭日升林東直
幹百尺撐長空屋角花片飛濛濛百年萬事悠悠中誰向荒邨覓老翁

燈市

丁女上天雲氣癡燭龍十丈紅玻璃銀花挂樹不冒落風力搖折珊瑚枝彈丸脫手
神珠撒丹竈爐開融絳雪量來螢火作星飛一綫金蛇向空掣天帝大笑雷公驚晴

虹闌月月倒行千影萬影不可辨但聞到處笙歌聲銅虬沈沈夜傳盞光壓廣場醉
迷眼爭看小市百枝燈何止中人十家產

賽神曲

班鳩雙棲暗無語田如龜坼天不雨八月種成三寸秧催租之人猛於虎符帖有姓
名爾父復爾祖去年鬻子今鬻妻若比逃亡未爲苦鬻子僭糠粒鬻妻餘布縷證爾
分明有田主瓦盆置酒力應努酒能相攜入州府一簇紅旗數聲鼓趨者如風觀者
如堵傳呼賽神歸赤日正亭午城中人解當官意祈雨柳枝高插戶

山行遇雨

遊天台

晨興駝嶺搖鞭絲大白睽睽雞鳴遲神斤鬼斧運不到熊蹲獅伏爭矜奇一峯忽向
眼前墮低處似有龍胡垂俄看赤練閃空際散作無數天花枝是何憑依露光怪五
色照耀雲中旗將毋海水中平地坐令天門成漏危倉皇出險復入險怒馬蹶蹶
不嘶魂驚九折膽尤大路縱百轉雨亦隨對茲詎有景可玩但覺往事勞相思桃花

剡源鄉志

卷十八

藝文中二

四十七

丹山赤水洞天
剡曲草堂印行

浪漲泛孤艇瀟瀟曾聽湘江湄土人夜歌助淒咽何異痛讀離騷詞又曾從僧過石
梁連日苦雨步艱移老年意氣俱委謝奈何阻我還山期前行纍纍見荒冢悠悠古
人吾語誰

同人遊萬松嶺

著我不借之遊展開我抑寒之塵胸入山那知山幾重獨怪豁眼迷西東老松化龍
不飛去倒挂絕壑鳴長風瘦石當路立指人生病容烟雲深恐俗客到半弓曲徑千
層封空岸無人日孤起野寺門前正流水水聲中斷竹聲裏竹聲洗心水洗耳吾將
結廬老於此

古結交辭

烏鵲烏鵲烏聽一何悲鵲聽一何喜悲亦非自悲喜亦非自喜各鳴其意乃有此維
巢維屋爰居爰處人言嘖嘖或臧或否

移竹

忽有一庭綠知從何處來根還深淺託徑亦後先開留客初移榻因君數舉杯最憐多直節寸寸笛中材

春暮旅懷

共說春如客春先背客歸塵猶封范甌淚自溼萊衣詩卷牢愁減親朋慰藉稀白頭慈母意壯志忍輕違

可哀曲二首

碧天如水夜如年珠箔低垂裊篆烟巾上春冰還化淚夢中斷句却疑仙青山月冷眠孤鶴紅樹霜濃泣杜鵑不信離騷無剩藁記曾秋月醉湖船
冰雪聰明與細論逢時深淺驗眉痕秋情冷到鴛鴦夢幽怨偷傳鸚鵡言春去山憐花入坐夜長無奈月窺門碧潭妬煞深深水招得人閒未死魂

蛤蜊

鳥從千歲方成蛤如此升沈豈化工且食不須知許事相爭何意有漁翁風塵滋味

剡源鄉志

卷十八

藝文中二

四十八

丹山赤水洞天
剡曲草堂印行

酸鹹外烟水生涯杳渺中莫道碧波深處穩可能健翮更摩空

寄口上舍

與君哀樂慣相同事最關心願每空散盡萬花成苦雨歸來雙燕怕秋風意深情自生文外病久身疑托夢中除是美人香草句漫教消受碧紗籠

聞鄭令振濟事有感

讀書豈不爲蒼生卻羨今能作此行敢道爲魚非我類便思雨粟亦人情溝中白骨魂猶餒海上紅巾難未平多謝羣公尙高會哀鴻時已一聲聲

夢花軒偕卽君蕉園夜話二首

小築園亭隱逸家尋常風景轉相誇絕無依傍當門樹略補寒荒繞砌花人坐一燈青隔幔詩題滿屋碧籠紗山林面目風塵客待爾同來看月華 月影重重燭影微涼風瑟瑟雁孤飛琴無怨調絃猶澀樹有秋容葉自稀冷暖關心吾輩少生涯重話舊游非當時那及貧居好九月沙場未授衣

病中有感

閉門已負菊花期，懶折疏麻寄所知。河上旌旗更將帥，床頭盆盎聚巫醫。季鷹無恙猶思去，叔子論交未恨遲。因病得閒還自笑，藥爐香滿讀書幃。

僧寺秋懷

濃陰如霧鎖罍罍，選佛場中小住宜。哀怨自來闌杜滿，春秋可許蟪蛄知。逃虛心共冰霜冷，潤物恩憐雨露私。淒絕鬢絲禪榻畔，一燈孤照夢回時。

西興江

秋江發船夜氣清，風中戍鼓魚臺城。野鳥一雙掠水過，漁舟三五沿隄橫。細數岸柳不知處，再逢驛亭如有情。東方既白纜未繫，問隔蕭山猶半程。

閒居消夏同友人作

衰衰羣公觸暑過，壯心長日費消磨。棋枰落子人爭看，無奈英雄局外多。
馬

剡源鄉志

卷十八

藝文中二

四十九

丹山赤水洞天
剡曲草堂印行

金勒雕鞍汗血駒，却將鞭策付奚奴。沙場銜鐵歸來後，識得征途是畏途。

湖西尙書橋晚歸

幾縷疏煙向晚青，湖橋流水帶愁聽。忽看夾道乘軒過，補註他年相鶴經。
斷岸深藏柳樹中，瓜皮小艇蕩輕風。湖光綠到無情處，卻讓斜陽水面紅。

秋夜寄遠三首

冷紅荒翠伴閒門，落拓愁懷憶酒尊。一縷愁魂招不得，人間何苦又黃昏。
竹掩虛窗，鷓鴣護扉重。廉不捲，認依稀。如何幾點澆愁雨，養得秋花分外肥。
病中祇覺暮寒增，待續離騷怨不勝。欲採芙蓉更何處，一江秋水半成冰。

贈山寺老僧二首

四壁僧衣冷客魂，英雄失路到空門。攜來莫怪殷勤看，怕有孤寒舊淚痕。
老僧獨抱黃葉睡，門外白雲三尺深。除却秋風秋雨夜，更無人識此時心。

湖西酒家牡丹

更惜醉眼認年華猶是當時舊酒家笑折一枝春在手過時名士及時花

對雪

玉隴重過短長亭無復羣山舊日青如此一杯乾淨土祇宜荷鍤葬劉伶

九日登高

唐國楨

忍將冷眼看年華重九相逢興轉賒徑闌泥勻屐屣滑山高風急笑巾斜一尊暢飲紫萸酒兩鬢羞簪黃菊花遙憶當年同學者不知誰以醉爲家

岳忠武墓

二六金牌走馬過中原未復恨如何十年血戰都成夢三字冤言竟受訛壯志空留新草木忠魂猶護舊山河試看冢上森森柏惟有南枝映綠波

夢中作

山南一碧玉山北一秋琴碧玉倚孤枕秋琴抱獨衾何當一相會永賦白頭吟

夜感

剡源鄉志

卷十八

藝文中二

五十

丹山赤水洞天
剡曲草堂印行

獨坐幽齋夜已深淒涼情緒逼寒衾松聲入閣風初起竹影籠窗月未沈美酒難邀知己飲好詩合待雅人吟許多春思憑誰寄且自焚香理素琴

詠蝶

落花芳草兩無情香國春光轉眼更却怪羽僊不解意溫柔甘自誤浮生 溫柔甘自誤浮生一段風流畫不成綠滿闌干紅滿砌江南何日計歸程 江南何日計歸程粉翅臨風舞態輕忽遇王孫如有意依依留戀到松棚 依依留戀到松棚共宿花房夢不驚直到睡餘春去了落花芳草兩無情

和姚石渠別駕見山園賞牡丹韻

竺士彥

翩翩裙屐鬪春華劈韻分籤細認牙蓮社債酬詩酒約梅城吏隱姓名誇當筵起草才人筆繞郭垂楊過客車繼迹子真官少尉盈篇仙句燦琪花

次俞瑞軒見山別墅賞牡丹詩韻

乞得名花着意栽東風吹報一枝開獨標富貴神仙格肯讓潘江陸海才院落深沈

春色滿闌干低亞暖香來人閒豔福欣消受賞醉何辭酒百盃
推敲索句怕雷同惠我瑤章奪化工賭酒客來聯石上折花人語隔牆東半簾疏雨
痕添綠一抹斜陽影射紅領袖羣芳傾國色自應吟賞暢幽衷

牛渚詠

毛翔

西江牛渚不勝秋袁謝當年此泛舟幕府佳游乘月夜詩人高詠自風流千秋感慨
懷知遇一夕聲名起唱酬莫道南朝人物少婆婆老子又登樓

募刻本堂集誌喜

陳育姜

百卷遺文在清芬誦本堂元明餘劫火門戶舊書香鄭重登梨棗氤氳護梓桑三賢
稱鼎足任戴共流芳

丙申夏登漢陽大別山

今日登臨大別山滔滔江漢互回環當年曾受南條解空憶聽經石不頑

去年今日大兒病歿

思之
黯然

剡源鄉志

卷十八

藝文中二

五十一

丹山赤水洞天
剡曲草堂印行

暮春即景

宋士珍

楊柳風前燕子低花梢宿雨濺香泥一溪桃漲看魚活罷釣歸來日已西

題王曙樓君小照 三錄一

碧梧枝下證前身迎面春山點綴新最是畫工玄妙處一泓秋水貌伊人

贈陸春明居士

○衡案以下四詩據刻川詩鈔補入
又案道嚴雖入方外實明之遺民也

釋道嚴

鄧峯猶峨峨湖水亦潺潺如何十年別已非昔時顏百里未云遠道路一時艱經年
成惡夢覺已笑癡頑子才未大遇正氣塞兩閒耽空惜余老慷慨意都刪

西澗秋吟

枯懷懶索句縱筆漫塗鴉處處開清景行行着野花涼生昨日露光絢晚天霞寄訊
須鴻足時看雲路斜

庚子除夕次中峯祖韻

世間熱鬧我如冰晏坐無爲箇老僧萬指叢中尊白髮千山頂上閣枯藤消除歲事

三杯茗接續流光午夜燈人我是非渾不與謂予大智亦何曾

青鎖亭次山兄韻

滿眼芳英帶露垂鏡波照徹遠山眉藤花待欲爭春色燦燦新條繞舊枝

乘涼

釋奇僧

背山松頂月一皎萬峯輝曲徑有人入溪流無是非石門空宕巖壁翠霏霏踏破
林花影孤吟坐翠微

山居五首

小閣翠微中仙源有路通短筇搜虎穴拙偈呪龍宮岫古雲梳髻潭深月畫弓筆光
含萬象獨眺大雷峯 天空明月夜坐久覺身寒朔望無心計長年樂自然蟬鳴如
奏樂鳥語勝談玄於世常如此新茶香滿園 翠竹小庭隈桃源絕點埃種瓜延野
客酌水供如來爛煮南山石香飄東嶺梅經年生計足莫笑老僧欬 遙在萬山中
爐煙遶半空瀑花噴石虎錫杖起潭龍座擁羣峯迴橋流一派通時聞天樂至澗底

剡源鄉志

卷十八

藝文中二

五十一

丹山赤水洞天
剡曲草堂印行

響淙淙 古澗夾庭流誰當渺渺愁曉雲封竹徑夜月照松樓寺僻僧禪定山深鳥
道幽晚鐘留客住一片彩霞浮

關中偶詠

一座蝸居風雨淒樓臺燈火夜高低蒲團靜坐閑舟楫笠笠空懸阻杖藜谷口雲根
封石戶松關更鼓漏清溪天邊明月情何極來往峯頭樹樹棲

除夕懷弟

重重古路長蒼苔葉落空庭掃不開為燕梅檀迎故友曾留爆竹等同胎清燈未息
三更火靜念能鎔萬劫灰幾度看來深嘆惜一頭白髮枕書臺

像贊

○衡案剡川詩鈔
續編作自題小像

飢寒可忍道難求曲膝垂腰暗點頭若不面皮黃似蠟如何免得者般羞

山居

卻宜佳境傍烟霞清甌澗來步落花掃石坐觀麋鹿隊不知春去幾多家

一性圓明萬慮蠲任他滄海變桑田山翁不染紅塵事涼月禪心處處圓

母難

一萬五千七百朝雙親難報愧今宵瓣香遙禮經三卷不比丁蘭覓樹雕川○衡案刻

編雙親作親恩愧作是不
比作可似覓樹作有木

長男文衡校字

剡源鄉志

卷十八

藝文中二

五十三

丹山赤水洞天
剡曲草堂印行